

西
巡
大
事
記

西巡大事記卷六

光緒二十七年二月

目錄

盛宣懷致樞垣俄約可視英意以爲樞紐電二月初一日

奕劻李鴻章致樞垣俄約限期已滿請速畫押以保危局電初一日

軍機處致奕劻早定公約實目前急務乞密籌電初一日

軍機處致全權大臣據宋慶電德願和好法圖西犯祈力阻電初一日

李鴻章致樞垣英使請刪改俄約末款電初一日

奕劻李鴻章致樞垣楊使晤俄外部詞氣甚決乞訓示電初一日

盛宣懷致樞垣俄約事各國如有意見應逕向俄廷詰問電初一日

張之洞致樞垣天津有英德人產業曾否作爲俄租界請示電初二日

張之洞致樞垣開放東省各國當助我並已商英領阻俄約電

初二日

劉坤一致樞垣請日政府速商英國約各國切實告俄寬限電

初二日

張之洞致樞垣謹陳俄約救急之策電

初二日

劉坤一等致樞垣俄佔東省請借各國通商爲牽制電

初二日

劉坤一致樞垣統籌全局俄約實萬難應允電

初三日

盛宣懷致樞垣如不畫俄約各國尙可公論電

初三日

張之洞致樞垣日願與英德美勸中國不簽俄約電

初三日

劉坤一致樞垣日領言若准俄約恐肇瓜分務請堅拒電

初四日

盛宣懷致樞垣轉楊儒電俄逼畫約未知四國能否轉圜電

初四日

劉坤一致樞垣滬日領言拒約之利與照允之害迥異電

初四日

盛宣懷致樞垣袁世凱電俄約宜牽合各國自不至互諉電初四日

劉坤一奏羅使電俄約英允力助懇飭全權萬勿畫押電初四日

袁世凱致樞垣已商德領待公約定後再訂私約電初四日

李盛鐸致樞垣日外部言俄不至因撤約開費電初四日

王之春致樞垣請普開東省口岸抵制俄人電初四日

張之洞致樞垣俄約請飭全權商各國轉圜再籌善策電初五日

劉坤一致樞垣呂使電德相言德廷辦事在保全太平電初五日

李盛鐸致樞垣日外部言不畫俄約則全局可保電初五日

奕劻李鴻章致樞垣俄使謂逾期不畫永遠不還東省電初五日

李盛鐸致樞垣英因鐵路日因韓事皆與俄有違言電初五日

盛宣懷致樞垣英美日因德中立故難拒俄電

初五日

李盛鐸致樞垣日外部云如不畫押俄雖怒不至決裂電

初六日

軍機處致全權大臣請商格使先立公約再議專約電

初六日

盛宣懷致樞垣羅使電俄事英只能持公論不能繼以兵力電

初六日

盛宣懷致樞垣楊使電俄約事請用國書託各國停調電

初六日

王之春致樞垣俄圖東省請求助各國電

初七日

許應騫致樞垣李盛鐸電東省事但求各國聯絡則俄孤立電

初七日

奕劻李鴻章致樞垣俄事與各國無干乞賜乾斷電

初七日

張之洞致樞垣請飭李相詢格使有何策可杜各國援例電

初七日

劉坤一等致樞垣不畫俄約請各國公斷電

初七日

盛宣懷致樞垣日本請俄將東約交各使公議望俄廷樂從電初七日

盛宣懷致樞垣轉李盛鐸電陳日政府勸俄廢約大意電初七日

李鴻章致樞垣駐俄參贊胡惟德報楊儒傾跌昏迷電初七日

奕劻李鴻章致樞垣日外部電勸俄廷勿損中國主權電初八日

盛宣懷致樞垣請商俄廷刪去窒礙字句電初八日

奕劻李鴻章致樞垣俄使催畫押如決裂患在目前電初八日

劉坤一致樞垣俄約請俟英日允許後定議電初八日

奕劻奏俄約請權利害輕重審斷施行電初九日

劉坤一致樞垣俄約無論如何刪改須商允各國電初九日

張之洞致樞垣俄約請俟公約定後再議電初十日

劉坤一致樞垣俄約歸各國公斷方爲萬全電初十日

李盛鐸致樞垣中俄密約俄外部已告日使電十一日

劉坤一致樞垣請將俄約分電我駐使知照各國電十一日

王之春奏俄事請抱定聽公斷從公約兩語電十一日

李盛鐸致樞垣日廷勸阻俄約俄人遜詞以對電十一日

張之洞致樞垣請將國書託英轉俄或可轉圜電十二日

羅豐祿致樞垣遵商瀾侯公約英仍可在京商定電十二日

劉坤一致樞垣俄約請歸公斷並先宣約電二件十二日

李盛鐸致樞垣俄事日廷已備戰電十二日

盛宣懷致樞垣俄約謹陳管見四條電十二日

王之春致樞垣宣示俄約即決裂亦不致牽動公約電

十三日

盛宣懷致樞垣轉李盛鐸電俄約交各使公斷請勿遲疑電

十三日

盛宣懷致樞垣聞東省利益俄願略分與日請預防電

十三日

袁世凱致樞垣俄欲立專約各國欲與公約相仿謹陳辦法電

十四日

奕劻李鴻章致樞垣俄微德電不畫俄約以後事更難爲電

十五日

張之洞致樞垣請發國書懇俄勿決裂請各國以公論相助電

十五日

盛宣懷致樞垣羅使電俄約請英日代商或請他國調停電

十六日

奕劻李鴻章致樞垣電旨四條交俄使不收亦不拆閱電

十六日

奕劻致樞垣各國不致因俄事延擱公約電

十六日

李盛鐸致樞垣日外部云應付俄國詞宜決絕語却和平電

十六日

劉坤一致樞垣俄約已分別密致各領電

十六日

劉坤一致樞垣俄約舍公評外均非妥策電

十七日

奕劻李鴻章致樞垣法與俄交厚請電裕使赴外部諄託電

十九日

伍廷芳致樞垣美外部稱俄使云俄約既有責言俟後再商電

二十日

劉坤一致樞垣李使電日俄有兵戎相見之語電

二十日

李盛鐸致樞垣日外部言俄使云俄約作罷東省事仍舊電

二件二十日

劉坤一致樞垣日領言俄告各國無逼令簽押意仍防術誘電

二十日

劉坤一致樞垣中國所需軍火已由呂羅兩使商英德准購電

三十日

劉坤一致樞垣如俄國索償款可告各友邦相助電

二十四日

奕劻等致樞垣聞德法合兵非徒擾晉恐牽動保定電

二十六日

西巡大事記卷六

黃巖弢夫王彥威輯

男希隱亮編

孫孝章敬立校

光緒二十七年二月初一日 駐蹕西安府城

盛宣懷致
電以爲樞紐
可視英意
樞紐

盛宣懷電信 勘電謹悉俄約酌改已略告英日美領事惟瀾侯之言
似應照顧應否請樞電各駐使或專電羅使告知外部俄已和平酌改
恐重勞各國唇舌擬即照允並密告限期令速覆通知在照覆以先較
之祕不與聞率行畫押似較稍安並可視英覆之意如何以爲樞紐乞
鈞裁宣懷勘亥

奕劻李鴻
章致樞垣
俄約限期
已滿請速
批押以保
危局電

奕劻李鴻章電信 頃格使來言專爲傳俄皇諭旨述外部電文云本部面奉諭旨前讀中國皇帝國書以拳匪肇亂實屬中國大錯請我朝廷寬容務將約章難行之處概加刪改刻已改定不能增減一字限期兩禮拜命外部與中國楊使畫押示各國以大公且見朝廷與中國寬容之度倫逾限不畫則東三省由我自便所改約章作爲罷論著該大臣電致駐華使臣格爾思詳達照辦勿稍遲延等因語畢遽起欲去鴻問尙容我商量否格謂已改之約不能再商已定之限若再遲逾禍患甚大又告以英囑現商德美法日四國未回信勿遽畫押俄廷看此事如何格云俄廷不論他國意見此約畫後宣示誰敢攔阻請中國熟思願與俄好則畫押若願決裂聽便鴻問尙能展限否格云展限非我敢

軍機處致
奕劻早定

說亦非我能代傳格去奉沁電旨仍令商改恐楊使亦難措詞若慮各國效尤照現改之約似不至於貽禍限期初七已滿務求速電畫押以保危局勿多顧慮除電楊使外請代奏奕劻李鴻章勸

旨寄奕劻李鴻章勸電悉畫押限期甚迫昨沁豔兩電指明各條中若再能商請照改更較妥協來電既稱照現改之約似不至貽禍該王大臣等果有確見自可定議惟英瀾侯曾有候其回信之語仍恐各國藉口將謂私行定約似應明告英及各國以俄已和平商改又定限期甚迫中國勢處萬難不能不允庶知照在先較之不告即畫稍妥總之此約關係甚重惟在該王大臣權其利害輕重妥籌定議

軍機處致慶親王電信 朝廷不允俄約恐激衆怒俄如決裂不知究

公約實目
前急務乞
密籌電

軍機處致
全權大臣
據宋慶電
德願和好
法圖西犯
祈力阻電

竟如何可密探否各國既早言明公約未定之先不宜與一國立專約
當日派全權議俄約已誤於先此時相持不下更應速定公約合肥意
涉偏重恐仍不以爲然朝廷惟有仰賴大力維持其間婉商各國早定
公約並勸合肥從現在辦法以圖補救如俄怒而抽出不與公約只須
各國肯定議後再商俄事是公約實目前急務乞密籌爲要

軍機處致全權大臣電信 宋慶錫良電法兵前據長城嶺慶等派員
往晤德國兵頭相待甚洽據稱情願和好二十九日商定界址後彼此
不踰再請函商全權婉告我軍統帥和局既定儘可退兵如此兩面周
到云云應遵旨電聞希告德使轉飭退兵又來電法兵謂劉光才屢向
東進故添千人扼守頃接岑春煊電劉光才謹守所紮之界並未前進

李鴻章致
樞垣英使
請刪改俄
約末款電

實係法兵藉詞圖西犯務祈力阻以保全局

李鴻章電信 頃英薩使來言訪聞俄約末款有中國向私家公司借款造山海關牛莊新民廳等處鐵路直至滿洲有背中俄成約云云此事未聞成約若何鴻憶當時胡燏棻向匯豐借款造關外鐵路合同已定巴德羅福來署吵鬧不准借洋款造關外之路備有照會存案因係已成之局英又不准違約但謂以後不再借洋款並未互訂約據實無所云成約也議改款時想未深知原委今奉旨令酌改輕應將有背中俄成約現爲酬報此層十二字刪改免英藉口薩允將此層電政府轉達俄廷並告以俄限太促務請展限薩索俄約全文未經與俄商明未便鈔送務乞相機磋磨免致決裂

中城御史陳璧奏內治之要宜祛除積弊以立紀綱摺

旨寄行在京師六部據御史陳璧奏內治之要宜祛除積弊一摺著各該衙門堂官責成各司員親自經理例案不准假手吏胥所有各例刪繁就簡以杜積弊時事如斯如再不振刷精神定即重加懲處不貸

奕劻李鴻章致楊使
外部詞氣甚決乞訓示

奕劻李鴻章電信 頃接楊使勸電外部約晤稱限期已迫如逾期不畫押勿再議交收勿再言友好前告各國不佔地之文當收回作廢請速電政府云察其詞氣甚決竊以改款雖迥異原稿亦尙不免流弊然俄若久據東省又未知各國果肯代我出力向俄理論抑將羣起效尤分佔土地此中機樞關繫存亡若將此意切詢各國勢恐不及日夜焦思萬全無計伏乞統籌訓示請代奏

盛宣懷致
樞垣俄約
事各國如
有意見應
逕向俄廷
詰問電

張之洞致
樞垣天津
有英德人
產業會否
作為俄租
界請示電

盛宣懷電信 格使言不能增減一字小田切接日外部電仍指滿洲

兵數巡捕與俄商定大礙主權又一切工商利益干犯各國條約又鐵路賠款應在北京商定又利益可改舊合同恐關係土地財政危險又鐵路至長城聞造路至北京三端於中朝危險請仍力拒等語看來楊使所商展限或允亦必甚暫昨請電各駐使告各外部似須說明各國如尙有意見只能於限內徑向俄廷詰問以免兩難乞鈞裁宣懷鑒

初二日 駐蹕西安府城

張之洞電信 英領事照會去年十一月間聞俄人在天津北河左岸佔地一段內有鐵路公司及英德人產業聞李中堂與俄使訂約准將此地作為俄人租界是否李中堂有立約之權曾否朝廷批准特飭詢

此事敝處不知原委希示知以便答覆

旨電呂海寰伍廷芳羅豐祿李盛鐸等俄約現雖酌改其中尙多窒礙不獨中國之害亦大非各國之利惟限期甚迫俄告中國詞意決絕勢難獨力轉圜非得各國力助商緩不能從容籌議前英瀾侯有英日德美向俄詰問尙未回信中國勿遽畫押之語昨全權電奏薩使亦允轉電政府請俄展限著呂海寰李盛鐸羅豐祿伍廷芳速商各外部請迅即電達俄廷代請展限總期稍寬時日方可妥爲籌計必各國眞肯出力助我方能有益該大臣等務須體察情形或密告以各國果能代我展限中國得以籌辦妥協則俄交還東三省後中國甚願與各國會議東三省開門通商章程大興礦路工商一切事宜俾各國利益均沾亦

張之洞致
樞垣開放
東省各國
當助我並

仍賴各國合力向俄商辦云有此利益各國或可實力相助惟此層務必秘密作爲該大臣等之意不可使俄知之以致激怒貽患爲要著即悉心妥籌向商以固全局仍將商辦情形迅速電聞

軍機處致楊儒電信 改約十一條已見俄皇顧全友誼亦見執事苦心惟約中各條有數處爲各國公約所無亦非中俄鐵路前約所有各國勢必藉口均沾前電命商展限現又專發國書務望親向外戶部將中國爲難實情婉切與商總期各國縱使效尤仍與主權無礙爲一定宗旨一面將晤商各節隨時電聞樞冬

張之洞電信 今日英領事來見出示薩使自京來電言俄約所改各條及限期十四日皆知之他條皆符惟第八條已全行刪去並不知尙

留有不允各國路礦工商利益一段其文武大吏僅改爲調離亦尙不知第十一條俄路賠款知之不詳何以獨於關涉各國要語未聽人說殊不可解敝處當即告知英領言貴薩使所聞未詳悉其中尙多礙難之處中國不能遽允限期甚迫假如我政府託薩使轉懇各國向俄商展限可否英領云可行務請速發電旨先託各國代商展限又問各國雖允助我尙未肯出頭假如中國將東三省全行開放所有路礦通商任便各國同享利益各國能出力幫助阻俄約否英領欣然答曰如此必肯助力當即作爲之洞私意託其電詢外部薩使允即發電至日本亦作爲洞意電商蓋第八段允他國人造路開礦俄必不允我既開門各國必助我爭之但能刪此數句東三省可保俄永不能獨佔矣我報

劉坤一
致日
樞垣
請商
政府
速約
英各
國切
實告
俄寬
限電

各國在此存遼陽亦在此一舉兩得展限即爭此一事此策最爲俄人所忌伏望朝廷弗疑迅託各國展限若能辦到其鐵路入長城一節或以新疆利益與之通融權其利害根本邊陲有別如各國商展而俄不允再允俄約不遲此宜速行遲則漏洩爲俄人所知俄若先餌各國陰許與中國立約後再讓各國商礦諸利則我數千里之遼東不能供我聯絡各國之資反爲俄人結交各國之具謹請代奏迅定爲要

劉坤一電信 接滬日領事電頃奉外部電開查改訂俄約第四條商定滿洲兵數第五條將軍大員經俄聲訴卽行調離各節與中國自治之權大有礙第七條意旨不解恐後來多難多事第八條中國未與俄先行商明之前不允他國一切工商利益與中外條約不同第十條俄

鐵路公司應得賠款應歸北京公定第十一條意旨漠然範圍過大易啟要求多端俾中國域壤財政險難不安第十二款築路至長城山海關延至北京之患於中國之自立甚爲可危總而言之改訂俄約雖略有更易至於關繫大者仍與舊約無異均於中國有無限之害必須決然拒斥若使俄國自行收回則是中國之福飭即電請洞察利害極力拒約爲要聞俄聲明定限十日簽定否則收回新約等語所謂俄外部欲急定約者實中國而並非俄國也且言中國一面願速定約一面仍請各國干預令人不解是緣何故本大臣之所欲知也合併密達覆到即電等因奉此切請電勸政府作主施行並望電覆云當告以俄約雖已刪改仍多關礙敝政府仍堅持不允現已將來電密達西安至俄外

張之洞致
樞垣議陳
俄約救急
之策電

部所言中國願速定約之語此係離間各國兼爲自行掩飾之計其言萬不可信中國正因俄約有礙自主及關礙各國利益之處力與堅持豈有轉願速行畫押之理惟俄催迫甚急不允卽行決裂尙望轉達貴政府速商英國約各國切實告俄代請寬限以便妥商至禱云謹電聞張之洞電信 沁旨敬悉楊使漾電俄約雖經略改皆係無關緊要之處第八條但將蒙古新疆不准他國開礦修路半段刪去前半段改爲滿洲全境內不允他國或他國人造路開礦及一切工商利益此次添出工商二字包括更寬用意更狠至第十二條俄另修一路直達長城一節又將來俄路工竣後我設兵數多少須與俄商一節又第二條准俄設兵保路一節又第一條吏治照舊不言政權兵權利權照舊一節

俱未刪改至第五條文武大吏不合邦交俄人聲訴即行革職一節謹
改爲調離名異實同又第五條中國巡捕供差不用他國人一節改爲
只用中國人仍是一樣又北境水陸練兵仍照前議允不用他國人一
節旣云有前議則刪與不刪同僅金州廢除一語刪去耳甘言欺我勒
逼畫押此約一允滿洲已全爲俄有直與英得印度法得越南無異竊
維我朝發祥滿洲東三省乃國家根本即以形勢而論東方海面東三
省爲首兩廣爲尾未有傷其根而葉能茂者未有扼其首而尾能運者
且俄有事路直入長城彼有常駐之兵而不准我設守禦之兵扼險之
礮各國之兵雖撤俄兵永在各國之兵雖減俄兵鐵軌長趨旬日可來
數萬是京師輦轂永在俄人掌握之中豈止遼東淪沒從此全局受制

不成爲自主之國各國斷不肯獨令俄人吞噬勢必種種抵制利益均
霑各出新奇花樣京城直隸亦係各國兵力所得云不效尤誰其信之
是中國不亡於八國之環攻而亡於一俄之作俑萬分可痛可惜洞焦
思愚見今日救急只有三策一請迅發電旨敕英日美德各駐使切懇
各國外部即日電俄懇請展限容我詳籌若僅令楊使請俄展限俄必
不理我電告各駐使但云俄約雖略改其中關繫中國及各國礙難遽
允者尙多請代懇俄展限中國之意乃爲遵照英瀾侯語不見四國回
信不便畫押之說故請代商展限各國斷無不允之理此與俄人祕密
之囑無涉決無所妨務望聖明速斷速行萬萬不必顧忌游移此第一
步辦法也二中國無利益與各國各國斷不能用實力相助今擬有一

辦法於我及各國均有大益莫如將東三省全行開放令地球各國開門任便通商所有礦務工商雜居各項利益俱准各國人任便公享我收其稅西語謂之開門通商即密告英日美德各國如肯爲我切實助力我即以此酬之各國必然欣許力駁滿洲不允他國均需礦路工商利益之條查東三省土地荒闊物產最富凡礦務工商諸利若不招外國人開闢中國資本人材斷難興辦國勢貧困如此而地利坐棄安望富強此條如開於中國興利亦大有益而從此俄人獨吞滿洲之計永遠禁絕矣洞前奏所謂中國一線生機惟恃各國牽制四字者即指此此第二步辦法也三俄修路駐兵直達長城一節不駁萬萬不可硬駁萬萬不聽竊擬有一辦法查第六條所謂從前成議北境不用他國人

練水陸兵一條此議各省各國皆不知是否如此措詞各國固難取信卽真舊約果有今旣另立新約於兩國兵制種種改變進佔則此條亦應廢除蓋彼必欲造專路入關我卽於北洋一帶水路山海關奉天等處陸路聘英將練水軍日本將練陸軍相爲抵制電飭楊使與俄明言以此兩條相抵必深忌若肯停此路固好如必不肯停有各國練軍相持狡謀尙可稍戢京都或可稍安蓋此時華兵斷不能拒俄若北境無洋將練兵雖有華兵亦屬無用所謂中國生機全賴各國牽制四字洋將練兵亦其一端此第三步辦法也至於此外各條利害俄固不肯多改我亦無須多爭驪珠旣失鱗爪安用吾旣不敵除藉資各國外再無紓禍之策子產存鄭子貢存魯不過藉資強國迎拒得宜而已並請一

面電飭楊使姑令懇俄展限即以英瀾侯須候四國回信之語搪之只言中國焉敢抗四國專以情懇一面靜候各國代商展限至不允各國路礦工商利益一節事關各國中國豈能不告他事可秘此條斷不能秘務懇俄國原諒情真理直在楊使亦甚有詞此層揭破揣俄人必又略改字面以圖支飾然東三省開門通商一節乃是永保滿洲上策無論俄人如何恫喝此條必須決計力辦俄數十年來專以甘言詭計吞噬歐亞各國環球皆知此次告楊使甘言又用此術萬勿終爲所愚洞愚慮所及勉籌救急之策因限期過緊若與劉盛會商往返多遲兩日謹一面電奏一面照錄電劉盛參酌請代奏之洞肅儉亥

劉坤一張之洞電信 沁電旨恭悉國能自主以其國是皆不必聽命

佔東省諸
借各國通
商爲牽制
電

於人而國是之重莫過於權利兩項今細繹俄約雖略加刪改凡關兵
權利權均須商之於俄滿洲全境無異爲俄所有此約大體已非縱再
商改總不能一無所損各國必須效尤均早明告中國一俄尙不能拒
豈有能拒各國之理是滿洲失一分權利即舉國之權利皆失不僅現
在聯軍未撤細約未定京畿一帶在各國掌握之中已也爲今之計惟
有請迅發電旨令駐英日美德各使切商各外部告以俄改約仍多關
礙中國及各國之處期迫難允請各國代爲懇俄展限俾得詳籌此即
照英瀾侯語不得各國回信不畫押之意藉爲騰挪遷延之計一面即
與各國相商如能力助中國拒俄願將東三省全地均准各國通商公
享利益各國當必欣然與其爲俄獨佔其利受無窮之害不如借各國

通商以爲牽制之策不獨目前可以拒俄亦從此可免俄國侵吞滿洲之患俄欲築路駐兵直達長城蓄意最狠如難商阻即令楊使告以在奉天一帶聘英日將弁練水陸各師以爲牽制俄能因此停止固善否則亦可藉伐狡謀是今日欲求自保權利以爲救急之謀舍此實無別法坤等往返籌商意見相同其詳已具洞儉電現俄催畫押甚急顯慮各國阻撓欲迫中國自允爲箝制各國之計全局所關伏乞朝廷力爲主持不勝迫切之至請代奏

初三日 駐蹕西安府城

劉坤一電信 俄迫畫押急於星火全權迭奏亦意在速畫了事在全權身處兩難之地不得不爾在國家統籌全局實有萬難應允之處俄

劉坤一
致
樞垣
統籌
全局
俄約
實萬
難應

既詞氣決絕就約與商亦置不理縱再允改必仍損我權利聞在滬英日水師咸已戒備僉云中如照允改約必成瓦解是各國兵鋒所向雖莫知所指若東約照允必挾兵威一體要求大局即不堪設想若抱定英瀾侯之語未得四國回信不允畫押因此激怒俄國侵地不返各國縱不代爲出力理勢所在亦斷不肯轉行效尤一隅之失究與全局輕重懸殊况俄佔東省與各國亦有不利若爲效尤計儘可俟俄約畫後執均沾之說向我要索何必合力勸阻若謂使我故激俄怒藉爲分佔之計各國上年七月以後何求不得英德兩國又何必自訂密約不佔中國土地並告各國照辦反覆籌度情勢顯然時促勢迫存亡所繫全賴鈞處堅持到底勿令簽押此著一失不可復救毋任迫切坤沃

盛宣懷致
各國如不
畫俄約各
國尚可公
論電

盛宣懷電信 頃晤英美日總領事均稱畫押則德於山東必先照辦
各國早言在先既不聽必自定主見深爲中國惜告以不畫則俄必不
還東三省均云畫是明許從此不能索回且對不起各國必一氣分裂
不畫彼雖強佔各國雖未必兵爭尙有公論各國既不以爲然順直必
退還他處更無平空佔取之理均勸行在持定勿搖英領又謂俄德在
荷蘭立弭兵會將來亦可請公斷又告以朝廷現商展限並商改最要
數處恐彼挾制不允請領事各電外部迅速幫助或允展限或允刪改
前約俄肯改輕英詰之力如再合拒仍說應歸公約如能再刪亦與公
約相仿矣英美日均允卽刻逕電外部詢其德國應否往商英云恐德
以尊論告俄美云伍使爲美主信服請行在速電伍向商氣力方厚滿

洲美有商務請鄭重切託或肯與英日同出力云除電江鄂外乞鈞裁
宣懷冬戌

旨寄呂海寰羅豐祿伍廷芳李盛鐸等昨諭該大臣速向外部請代商
俄展限計已奉到頃接楊使東電照會展限改議俄拒不收意已決絕
究竟各國肯合力助中國向俄轉圜否又據盛宣懷電稱俄約若畫各
國必怒而羣起分裂如不畫押而俄強佔尙有公論各國必退還順直
他處亦無平空強取之理此言果確則不畫押僅撓俄怒畫押必犯衆
怒自應權利害之輕重著呂海寰羅豐祿伍廷芳李盛鐸迅向外部商
請趕於限內代商俄展限或照商刪改並詢明如逾限不畫押俄怒決
裂各國能實力助我向俄理論決不與我爲難而公約仍可早在京商

張之洞致
樞垣日願
與英德美
勸中國不
簽俄約電

定否務得確信迅速電覆俄限甚迫覆電勿逾期爲要

張之洞電信 駐滬日領事來告奉外部大臣電開俄新款一事日前
電飭駐英德美欽差轉告三國政府德政府前後聲言東三省事當歸
駐燕各國欽差公斷日政府實同其意現在俄一國與中國訂專約與
各國公議中國事宗旨不合爲今之計各國須令俄收回新約以保各
國利權爲要日政府願與三國政府商勸中國不可限內簽定以聽俄
自行收回以遏其計似此辦法必有濟諒三國政府亦必同其願云旋
准英欽差覆電英外部極力贊成又允飭駐華英使力勸全權並允電
飭駐德英使幫同駐德日使請德政府同勸中國不可簽約云

初四日 駐蹕西安府城

劉坤一
致日領
言若准
約恐肇
分務請
拒電堅

宋慶錫良電信 馬玉崑五臺來函據馬金紋等稟二十九日晤德將
商明界限兩不相犯訂約五條一距長城嶺內六十里我不駐兵二德
兵以長城嶺西四十里爲界三兩軍中間留隙地二十里四行人須執
白旗五兩軍彼此可通往來云

劉坤一電信 滬日總領事電聞俄逼中國畫押限期已迫茲再奉告
俄人不過謂中國若不畫押即當進兵主持聯俄者亦不過謂俄若進
兵各國即效尤中國瓜分勢當立見不知此說利害正相反也東三省
之地雖非中國兵力所能保全然畫押而俄取之則曲在中國不畫押
而俄取之則曲在俄人各國用兵因曲直而定所向此次使中國堅不
畫押俄人若仍進兵佔據則英德條款既以保全中國立議本邦亦經

與約必當實踐前言斷無因俄佔地亦佔中國之理且各國如以瓜分爲念則中國允俄之約正合各國主義何必反覆勸中國不從其請此理甚明如中國冒昧允俄則是中國親俄私與俄人利益而使各國受其虧損俄人依約施行毫無可議而中國自違條約故不得不援均霑之例即議瓜分此事理之至顯不待智者而知之也且俄素以恫喝爲政策中國若不墮其術中必無即時用兵之事該領所言曲直利害極爲詳晰切實務求堅持定見請旨飭全權萬勿畫押

旨寄奕劻李鴻章俄約限迫昨兩次電旨令該王大臣等權其利害輕重妥籌定議諒已遵照熟籌今各督撫及各駐使紛紛電奏均以此約畫押則各國羣起分裂爲害甚重若不遽畫仍力向俄婉商再改總以

與公約不致歧異則各國無可藉口縱使俄怒而不還東三省各國必出而公論必不致羣相效尤爲害較輕應飭全權向俄使切商妥改勿遽畫押並詢各國公使以滿洲礦路工商利益俄約獨佔鐵路至長城俄亦獨據恐與公約有礙請各國合力向俄展限商改且請在京早定公約等語衆論相同自難輕率畫押已飭盛宣懷將各疆臣各駐使電奏擇要電達覈酌此事關繫甚大旣無兩全之策則兩害相形自應從其輕者著奕劻李鴻章按照各電所陳妥細籌度慎重辦理並著楊儒亦據實告俄外戶部中國已復遞國書相懇實迫於各國公議此約非改妥不敢遽定想俄主旣實心保全中國必不忍強其所難坐視受禍也該王大臣等其慎圖之

盛宣懷致
樞垣楊
儒電俄逼
畫約未知
四國能否
轉圜電

劉坤一 欽此
領旨 拒約
之利 與照
允之 害迥
異電

盛宣懷電信 接楊儒電外部堅拒不見戶兵亦然昨又挽道路部代爲轉圜頃據覆稱此係奉國主命不易一字不展一日我因不願與公使當面絕交故未允晤望轉致見諒云外部如此勒逼似預爲永據地步儒奉使無狀上負委任惶恐無地究未知四國有無確覆能否代謀轉圜不勝焦灼乞代奏並轉慶李劉張儒冬宣轉江

旨電劉坤一張之洞前奏請東三省開門通商之說可否速電商各國歆之以利或能實力助我勸俄速行設法爲要

劉坤一電信 滬日領蕭電頃奉外部大臣電開自從俄事一起本大臣迭次電飭該署總領事轉達南洋並勸由駐日欽使轉中國政府拒約之利與照允之害迥異如果拒俄將來事局尙有轉機等語日前又

電告南洋中國必須力拒新約若能使俄國自行收回實中國之福等語諒已在中國政府洞鑒之中惟此事關係極重茲再詳陳中國不可允俄者有四端凡訂約之得失視利益之大小俄非中國約許斷無比現今所享更大之利益新約又非經簽定俄不得掌握約內所載之利益若訂約與俄有利與中國無益其不可允者一也中國不允而俄仍橫據滿洲則各國認俄爲無故侵佔土地之國且俄有宣布之言在前是各國所共覩共聞豈容其似此非法行爲其不可允者二也在俄亦未必願被各國認爲不法之國故中國能決意拒之俄不得以難堪之事相強其條款自然得輕省無疑其不可允者三也更有緊要於此者漫允俄索則不但中國精力爲之銷亡更與中外條約不合各國必爲

盛宣懷致
樞垣袁世
凱電俄約
宜奉合各
國自不至
互談電

自保利益並均權利起見將中國地土各自割據瓜分之禍於是乎成勢之必然不待智者而知之也中國能確意拒俄則可泯各國藉口之端其不可允者四也飭該署領事飭到即電請南洋斷然決意以拒俄需索此爲切要等因奉此相應密達請力勸政府作主施行盼禱謹聞盛宣懷電信 袁撫江電俄約限迫商緩恐亦不及擬牽合公約以圖補救宜請旨飭邸相宣告在京各國使謂此次聯軍大義專爲戡亂救使俄在三省與各國同時用兵亦同事戡亂雖係隔省大義無分現公約未定俄擬另立條約勒限畫押本國恐與公約有礙或至牽動全局殊失各國大義因錄送另約草稿請各國查核是否有礙公約從速見覆並告俄使謂俄與聯軍同事戡亂現既開議公約俄之另約自與常

劉坤一奏
羅使電俄
約英允力
助俄飭全
權萬勿畫
押電

例專約不同倘礙公約關係全球大局不得不商明各國以全公約各國未覆之前勢難畫押等語照此言明牽合各國自不至互譏俄人亦不敢遽逞乞鈞裁

劉坤一電奏 羅使東電頃晤瀾侯據云自聆蒸旨詰俄從未稍懈茲聞俄允刪改雖未據駐俄英使詳報而第八款中蒙古新疆等字樣均允刪與原稿相衡爲害較輕惟公約未定之先鄙見仍以緩允爲要英在中國除保商外無他圖如肆鄙言當始終以全力相助等語祈轉樞府代奏云英肯如此推誠許助實爲中國大局之幸惟恭閱寄全權東旨令權利害輕重妥籌定議深慮全權即照改約定議簽字蓋全權此時正欲照此定議日前駐寧漢英領分向坤一及鄂督告知謂奉薩使

電云由周馥面告約已改好等語令各告知江鄂其約內凡有損主權及礙各國之處均藏過不提無非慮英阻撓故以好言相慰詎不知定約以後約內各條各國斷無不知之理掩飾一時更足貽各國口實此次東省之事雖有應明告英及各國之語縱全權告各國亦恐如周馥之含混其詞俄約一定大局即將瓦解焦愁憂急莫知所措總之俄此次允改條款實係被英詰問有所瞻顧迫中畫押深慮各國阻撓欲藉此箝制各國之口東旨令全權妥籌定議無非因各國無實在回信孤立無助萬不得已而出此今英既允以全力相助何可遷就允俄自蹈危機致成不可收拾之勢惟有仰求迅賜宸斷速飭全權萬勿畫押一面俯採坤洞等東會奏斟酌施行無任迫切之至

袁世凱致
樞垣已商
德領待公
約定後再
訂私約電

李盛鐸致
樞垣日外
部言俄不
至因撤約
開疊電

袁世凱電信 俄議暫息德議復作似宜隱爲道破頃電飭煙臺季關
道面告德領事謂俄人誘逼中國另立東三省專約各國多謂北京公
約未定以前不應與他國另約德政府意亦不以私約爲然因此案我
國家萬分爲難增將軍曾被嚴譴楊大臣憂急成病而該約迄無成議
已作罷論徒生紛擾德國仗義秉公斷不至使我國爲難請貴領事轉
勸穆大臣如有彼此利益約章似宜待公約定後從容商訂較易就緒
敢布腹心尙望見納等語謹電達

李盛鐸電信 頃外部言聞上月二十三日俄外部改定條約一件交
楊使限日批准否卽撤回該約雖刪去蒙古新疆於東三省利益並未
甚減據日本意究不可允允則各國仍恐效尤不如聽彼撤回甚爲幸

王之春致
樞垣請普
開東省口
岸抵制俄

事俟公約定聯軍撤俄兵不撤便是強佔東三省各國當向詰責屆時
中國收地保全實多然即此約撤回俄必仍向中國商訂至完全無缺
自主之權訂定再畫無大礙否則宜堅持勿允若慮俄撤約開釁日本
料俄必不至此此係日政府密勸之意請即電達鐸詢各國商約代我
排解有無回覆答因德國意見不合致未能直截向俄詰問然此次改
約未始非其效驗等語竊料俄約爲存亡所關同一土地無約之被強
佔與有約之暗讓大有逕庭拒俄召釁與因不拒俄而召釁尤分輕重
伏維審慎堅持以保大局謹附縷陳請代奏

皖撫王之春電信 和議將成近因俄密約一事羣雄側目清議繁興
遠邇傳聞殊甚駭異其約期逼畫聞所述窒礙良多固未能周知亦不

暇備舉惟中有兩端關繫尤重一滿洲全境不允他國造路開鑛及工商一切最爲各國所不甘一俄修鐵路直入長城工竣後彼得留兵守路而我設兵多少須與俄商則是藩籬盡撤畿甸可危尤爲我國之大患允之則衆怒難平後憂踵起拒之則兵力不及邊釁又開爲今之計惟有不激不隨設法補救因衆國之不欲乘勢利導應請速發電旨託各國代出力爭向俄商改前約將有礙中國及各國者暫寬其期從長計議各國知前約非我本意則其怨自消俄人以衆國與我協謀則其勢亦沮第各國何肯即爲盡力一面以東三省路鑛工商之利許其一律均霑作爲酬謝以歆動之則英日美諸國計必爲我用俄倘責我機事不密則以不允各國路鑛工商利益一節非他端可比事關各國豈

能不告以還詰之於情則可原於理則本直亦不患無詞以對然須防俄國偵知此謀料其利終難獨享而轉以此預餌各國允於定約後再與通融故尤須及早下手力爭先著蓋此議出自我則可藉爲交歡弭患之資出於俄則又予以合縱連橫之柄其中遲速利害相去霄壤或謂東三省旣普開口岸倘他國援此爲例更欲推行內地其奈之何不知時至今日不能閉關自守旣允通商則一國與衆國無殊一口與衆口何異況國分雖多口岸雖廣我反可增稅人之款消吞踞之心收牽制之益一舉而有三得均仿照津滬粵漢等處辦法准通商奚不可者或又謂各國倘不與俄爭利而借此另圖瓜分又奈之何則應選能言之員亟與辯論與其偏隅割據而人民之鎮撫亦難何如大地經營財

貨之流通甚便况知我果不允俄人之請當不至構怨效尤如斯之請故東三省之萬不可給俄專利俾爲作俑者此也至鐵路直入長城一節彼既請設兵守路我亦何能不增兵設防或告以日英等國願來教我練軍計亦彼所深忌如此說難與明言則惟有另以他處利益予之俾此路得以停罷亦兩害相形則取其輕之意曩英俄兩國索借巨文島總署先允俄旋英來爭兩國均未許遂作爲公地不允久泊兵艦成事具在今可仿其意而變通辦理之春受恩深重觀此事機孔棘恐邊釁復起貽宵旰憂愚慮所及敢不盡言是否有當伏乞聖明裁擇施行請代奏王之春肅江

初五日 駐蹕西安府城

張之洞致
樞垣俄約
請飭全權
商各國轉
圖再籌善
策電

張之洞電信 俄外部拒客還書楊使在彼已無能爲力各國代商展
限不知肯代商否擬請迅發電旨仍責成李相與格使商一轉圖之法
並飭李相一面迅速明告英日美德各使各國若不代商展限中國力
弱爲俄逼迫畫押後各國所擬效尤者何事各國與俄使情形不同何
以大綱久已畫押又欲效尤令其明白告我以便我詳加斟酌若不先
說明將來即不得再有異議似不失爲光明坦白辦法蓋各國效尤勢
所必然究竟欲援例佔奪至何等地步或以渾言或出懸擬且各國意
見亦不盡同故欲確知效尤實事朝廷方可權其利害輕重以定此事
辦法全權大臣詳知其利害輕重自必爲國家妥籌善策請代奏之洞
肅支辰

劉坤一使
德相呂使
德廷辦事
在保全太
平電

劉坤一電信 呂使勸電昨德相畢魯在議院宣言曰和議最要者兩
端一敗覺首禍前言概治以死今稍從寬不論官之大小以罷爲斷醇
王來德一節我皇甚喜然須和局定後方可接待二賠款除軍費外商
教亦須索償惟款須有著而仍不傷中國財力已與諸華情者相商均
謂不宜干預華內政亦不宜稽查一切財項以海關作抵爲最妥銀價
已落華已喫虧稍加關稅亦屬所宜至鹽釐應否加增須詳察再定或
謂應廢釐金者是干華內政我政府不甚謂然倘中國辦法未能盡如
各國意則各國應代籌理財善策德兵何時可撤以華人辦事遲速爲
斷賠款有著兵即可回去年德英條約一保中國土地二保英德在華
商務與滿洲事無涉德在滿洲無多商務存亡無干然德不願中國國

西巡大事記卷六

二〇

清季外交史
料附刊之一

李盛鐸致
樞垣日外
部言不盡
俄約則全

產任意棄置國債甚鉅各債主亦不願其浪擲如有專約牽涉中國財
力我國斷不坐視幸各國立論均云在華不求專利有則公之唯公司
數家乘機索利若不嚴阻恐華財將盡我無所取華使來商滿洲事答
以歸駐京使公商爲妥有謂俄德相持不下者此說無稽計於俄專注
北省與德無涉德廷辦事大意在保全太平勿損自己利益各國或有
爭端德必守局外例我行我法不爭他人指使我德總以速結華事爲
宜遇事公平勸商如各存意見亦必竭力排解等語謹撮要電達乞轉
樞垣並慶李張云云謹照轉坤寅

李盛鐸電信 冬電奉旨謹悉遵赴外部面商據稱展期一節將來究
於中國不利惟有限滿堅不畫押聽俄撤回俄斷不敢與中國開釁當

局可保電

奕劻李鴻章致俄使謂逾期不畫永遠不還東省電

詰以俄僞用兵使臣不能當所言不實之責答言如不實日本外部可任此責又詰以俄怒於公約有礙否答如俄有阻撓各國當向詰責決無窒礙總之此約畫押則中國立致瓜分不畫押不獨全局可保即東三省將來亦必有好結局可請放心等語請代奏盛鐸支午

奕劻等電信 頃奉東電旨籌度再四俄外部不見楊使電文原封交回展限不允至初七限滿只四日若再游移勢必決裂後患甚大旨令定議事機萬緊大局所關不敢諉卸因即錄旨轉電楊使請其明告英及各國駐使勢處萬難不能不允一面卽酌量畫押云發電後日本小村使來傳其外部訓條囑勿畫押告以逾限不押俄必決裂將何以處彼謂各國應起而責言於俄問責言而俄不理將若何小村謂以後事

不可知奸猾可惡傍晚俄格使又來傳其外部訓條逾期不畫押東省永遠不還以後遇事俄亦不能助華問各條能酌改即可定斷伊謂來催畫押不能與議事問畫押後各國責言俄當助我格唯唯而去請代奏奕劻李鴻章豪

旨電張之洞前兩次致俄國書均置不理此次再致尙須細籌現已電諭奕劻李鴻章照此意電覆吳王以期轉圜若致英日美國書設彼國因此索宣俄約許拒兩難轉多窒礙仍應由該督會商劉坤一將俄約漢文擇要密交英日美領事密電各外部請其公議力踐以公論相助之前言較爲妥協

劉坤一張之洞電信 英瀾侯日本外部均竭力勸阻前已詳陳之俄

李盛鐸致
樞垣英因
鐵路日因
韓事皆與
俄有違言
電

不見楊使恫惕慣技俄若非瞻徇各國必不肯刪改各條情僞顯而易見所爭在一押請朝廷堅持到底乞代奏

李盛鐸電信 聞英因天津鐵路日因韓事皆與俄有違言召集艦隊以觀動靜日廷昨並召各帶團統帥入宮密議逾晷俄艦亦集仁川消息甚緊俄以津路韓事挑釁英日無暇干預束約逼我畫押此俄策巧妙之處我若拒俄則俄或與英日開釁亦未可知即不然而舉兵向我英日艦隊聚集俄亦受制不能暢所欲爲我允俄則津韓兩事俄必退讓而英日移兵向我我實受其害矣俄逼畫押各國不肯助我詰俄各國舉兵俄又豈能助我阻各國拒俄開釁未必一戰致亡允俄召釁大局必致瓦解願熟權利害聯銜上達早決大疑天下幸甚盛鐸江

旨寄奕劻李鴻章楊儒俄約關繫太重迭經諭令奕劻李鴻章楊儒熟
權利害輕重妥籌辦理迄未據切實覆奏昨據各督撫及各駐使紛紛
電奏皆以堅持不畫押爲害較輕昨又具國書懇俄展限酌改總以不
背公約各國不致藉口爲斷亦未據楊儒覆奏朝廷細思不遽畫押只
激怒於俄畫則羣起效尤分據其禍尤速即著該大臣等分告在京各
使中國不敢遽允俄約畫押請先議公約並著楊儒婉告俄外部中國
爲各國所迫情形非展限改妥無礙公約不敢遽行畫押請格外見諒
盛宣懷電信 頃奉江電又晤英美日三領交閱英日外部回電仍堅
請勿畫押但言畫押之禍不言幫助之法美無回電詢其俄約不畫後
如何情形皆云彼強佔背原議斷不能久故用全力脅制速畫如不受

盛宣懷致
日因德中
立故難拒
俄電

脅制各國皆服中國斷不久踞順直及強取他地聽來似有把握日領云如要保護北方聯軍亦可緩退又詰以汝等僅止中國畫押不敢向俄開口此所以不能不畫押據云四國意見深淺亦有不同俄約又不告我故難明拒問其是否因德中立之故皆云然宣懷豪

初六日 駐蹕西安府城

奕劻李鴻章電信 法使照會直境迤南各軍迭請退過長城茲悉並未照辦山西防軍仍半在直隸境內應請飭退回山西界內法兵即可陸續撤退云云查洋人好勝因晉軍仍駐井陘邊境勢不兩立必致生釁請飭各防軍退入晉境以免生事

李盛鐸電信 本日午電計蒙代奏申刻接江電奉旨謹悉迺赴外部

部云如不
畫押俄雖
怒不至決
裂電

軍機處致
全權大臣

面商答稱展限俄必糾纏終當畫押決非善策至此事利害如畫押則
名收回東三省實無異割讓各國必怒羣起分裂中國全局立危公約
亦無可商勢必停議如能堅持不畫押俄雖怒亦不至決裂即決裂強
佔東三省各國必當主持公論聯軍先退出順直再向俄責令退兵因
俄前與各國公訂保全中國之約並未向各國撤回俄兵不能不退且
不畫押既照六國所論辦理各國決不致藉口俄已佔地與中國爲難
公約自當照常在京商定日政府所見如此揣各國亦必相同此言極
確決不相欺等語據外部迭次所言旁參中外輿論畫押之害極重不
畫押之害究輕伏望堅持以保大局請代奏盛鐸支亥

軍機處致全權電信 俄約緩畫實因各疆吏及英日等駐使紛紛力

請商格使
先立公約
再議專約
電

盛宣懷致
樞垣羅使
電俄事英
只能持公

阻謂若允俄約立見分裂朝廷實深顧慮萬不得已是以暫從緩議俄外部拒絕楊使無從婉商彌縫補救仍仗公忠惟望尊處向格使告以英日之危詞各疆吏之力諫將朝廷爲難之處剴切剖明總冀俄諒苦衷顧全友誼將約稿刪改完善毋爲外人藉口一面先立公約再議專約中俄唇齒相依以後交涉之事苟可以相商相讓者皆當惟力是視目前情勢務請格外通融不勝盼切如格使亦拒不見希即挽出美國或曾與弭兵會之荷蘭國出爲公斷轉圜俾免決裂牽動全局是爲至要樞魚

盛宣懷電信 羅使支電奉東冬江旨迭謁瀾侯切實細商瀾云中國權害取輕擬聽英言不畫俄約無論俄如何舉動英自當以公論相助

論不能繼
以兵力電

公約仍可在京商定順直亦必屆時退還並令俄不向中國爲難只能持以公論不能繼以兵力惟向俄展限一節英前以公約未定另訂專約爲俄巧計今如請俄展限勢必自相矛盾豐告以展限爲刪改地步如果重以英助窒礙悉除專約何嘗非策慫恿再三唇焦舌敝瀾仍執前說至動以利益一層瀾意公論之力可助兵力必不能助正繕電間接到瀾侯覆函內開一各國駐使先後向中國聲明公約未定以前中國不得與他國議立專約現再申明二展限一節如限內不能將窒礙字句盡行刪去仍屬無用三中國如將俄約畫押實極危險如將英國應有權利奪去英必向中國取償等語餘與面談同祈代奏

旨據羅豐祿支電稱英瀾侯云不畫俄約無論俄如何舉動英當以公

論相助仍可在京商定公約順直亦必屆時退還又函稱各國駐使先後向中國聲明公約未定以前中國不得與他國議立專約如將英國應有權利奪去英必向中國取償等語似此則先定公約爲是著奕劻李鴻章婉商各國公使務將公約詳細節目迅速磋磨就緒先行議定免致耽延貽患至俄約關繫各國權利各節亦須摘出請各使公議評斷以便向俄商改方免各國藉口效尤如俄因專約未定怒不允定公約即將瀾侯各語切懇各使婉勸俄使勉從衆論俟公約定後即議專約此約不致遽畫實因各國牽阻之故請俄格外原諒萬一俄怒竟欲將前告各國不佔中國土地之文收回作廢亦意中事務當預懇各使諄其勸阻萬勿承允爲要總賴該大臣統籌全局善爲說辭婉商俄及

各國分別辦理以保危局

盛宣懷致
楊使
電
約
事
電
用
國
書
請
各
國
調
停
電

盛宣懷電信 楊使電國書不收昨已將大意譯成俄文託俄領事轉寄恐亦不及也電述瀾所言甚有勛兩所難者德中立英日美不敢明助已屆限滿利害輕重全權及督撫駐使均各詳論諒蒙宸斷如果定計應飭全權知會各使歷敘各國阻立專約俄不如願恐其欲將前告各國不佔地之文收回作廢務請各國不得承認俄所勒索各條可請公議秉公調停總期仍宗各國公議不佔中國土地不奪中國主權抑請將此意用國書請各國公議調停此係預籌決裂乞備鈞裁

初七日 駐蹕西安府城

王之春電信

江亥電奏想已達俄圖東省最久至乙未年同羅拔訂

王之春致
楊使
電
約
事
電
用
國
書
請
各
國
調
停
電

東省求請
助各國電

密約之議開門揖之既知以鐵路許人即是招其駐兵招其佔地及旅順被佔又不抱定李鴻章所約不得佔東三省土地一語堅持力駁於俄情叵測詭詞蠻很概不奏聞竟致敷衍擱置此中實在情形春上年在京時日本人言之歷歷許景澄尤述之甚詳春曾據以詳晰面奏並訪明俄於旅順及哈爾濱駐兵並沿路看守鐵路藉保護爲名共計二萬人密具圖說由軍機大臣榮代呈在案現在俄索之約已全身畢露東省已名存實亡處心積慮所得豈肯輕易放過我再不情聯各國助我改約俄人必以剖分利益誘之必以同洲同類動之各國見我不足爲必以拒俄不如合俄之現成必轉而比俄必瞬卽分佔觀其但阻我勿允未聞阻俄勿索又節據探報各國兵艦增募我沿江沿海引水此

其審顧迴翔意可想見故今日惟求助各國既可令其不生心瓜分即足令俄人怯於衆勢不敢逞志而我目前以衆勢而去危於已然後來開門通商尤能以衆勢而絕患於未然俄雖強必永不足害我安危判於幾希亂亡即在呼吸痛哭求我皇太后皇上立即電致國書於各國並以同洲同害之情激動日本即因其素與英美交厚感動英美助我爭此孤注各國縱以市德別有要求必不至如俄之甚且此時何求不得亦何待挾有勳勞昔俄土之戰土已垂亡英人一舉義旗俄即退阻前鑒未遠萬望聖心勿疑至開門通商尤是存東制俄要策早應如此何況此時歷次外人開釁從無一兵一礮擾及通商口岸可爲確證並求乾斷施行方今乘輿屬在播遷苟非萬分危迫臣何忍更以危言苦

許應駘致
樞垣李盛
鐸電東省
事但求各
國聯絡則
俄孤立電

諫上蔡宸廬伏乞聖鑒求代奏之春肅支

閩督許應駘電信 頃據李盛鐸電稱俄約略改東三省無異割讓日
外部勸勿允允則各國效尤俄限甚迫英日集艦隊以俟動靜大局甚
危等語查俄涎視遼東匪伊朝夕此次乘間佔據隱具成謀其不敢公
然行之者因西伯里亞鐵路未成慮各國相阻耳今所擬約收其實而
謝其名蓋將以我允讓爲詞塞各國之口也一墮其術必釀起效尤大
勢立形瓦解伏望朝廷堅執定見婉詞峻拒以息禍機俄就範圍則將
該約併歸京中辦理若悍然不顧無可轉圜惟有與各國約明將沿邊
沿海等處作爲通商公地永遠不准侵佔俾資抵制事繫全洲大局飭
駐使密商各外部似無不樂從再佈以公誠陳以利害可得其助但求

奕劻李鴻章致俄國
無干乞賜乾斷電

二三國互相聯屬則俄成孤立當無能爲特英日惡俄而法暹俄尤宜
慎所處也宗社安危間不容髮謹披瀝以聞請代奏應駁魚

奕劻李鴻章電信 楊使微未電外戶部拒見頃忽約晤言璞科第電
稱中國政府已發訓條飭貴使畫押答以我只有樞冬電及李相江電
令我酌量定計畫押原電可請閱看伊云此萬不足當發急電催中國
速給切實之權儒告以已轉不及伊答若因電旨未到遲一二天我當
竭力設法不致即日決裂過此我不敢知云乞代奏云查羅使述英瀾
侯覆函三節內稱展限而不能將窒礙字句刪去仍屬無用似應趁此
速降電旨命楊儒將國書內各節與之商改即行畫押格使專人來稱
此事實在中國朝廷如不畫押決裂之患太大實與各國無干各國議

阻皆由中朝授意俄斷不懼各國也乞立賜乾斷施行請代奏奕劻李鴻章魚申

旨寄奕劻李鴻章魚電轉楊儒微未電悉俄外戶部既約楊儒唔言是有轉機國書自必趁此呈遞著楊儒即婉懇照國書內所請各條如吏治照舊末四款辦到日爲止滿洲兵及內地巡捕須與俄商定數目滿洲全境一切工商利益自幹路或枝路造一路至長城等語全行刪讓以符北京公約可免各國藉口如俄約肯允照改迅速電聞即可定議既可通融一二日再請多展數日並將中國爲難情形懇切告之或先議公約再議專約中俄唇齒圖報之日正長勿於此時逼緊俾各國羣起效尤至俄約中有礙中國主權及各國權利與公約不符之處奕劻

張之洞致
李相詢格
使有何策
可杜各國
援例電

李鴻章亦應向各國密商請其公議設法斡旋總期俄約定後各國不與我爲難爲斷或將此旨煩璞科第轉電俄外部以期必達

張之洞電信 歌旨雖飭楊使告俄外部請諒俄不見使不收文恐無益仍懇電旨飭李相告格使此語或可達到俄廷並請飭李相將改約十一條宣示各國明問各使此約遼東情形與順直異各國本不應援例乃聞各國有效尤之說究竟各國擬如何效尤法若各使理屈語塞豈不甚善若各使明言將分裂李相必不敢遽允俄約或能與格使商一轉圜之策或與各使商一息事之方並飭李相確詢格使俄有何策可杜各國援例分裂須確有辦法不得含糊竊思飭李相面詰各使一節似乎有益無損總之李相在京總不詢訪各使情狀亦不言各國萬

劉坤一等
致樞垣不
畫俄約請
各國公斷
電

一分裂有何策阻之實爲難解請代奏之洞肅麻已

劉坤一等電信 俄約緊迫楊使支電尙未敢畫押不知接李相豪電
後究已畫否竊思有中國先佔穩地步之策查各國總以俄約未宣布
爲詞明日即是初七此約無論畫否總當宣布擬請卽刻迅發電旨飭
慶邸李相並江鄂兩督暨各駐使將改約十一條卽刻宣布徧告各大
國請其公斷聲明我非負俄無如有違公約不便畫押俄不接國書不
見楊使無從商懇中國惟有遵照公斷辦理慶李布告北京各國公使
江鄂布告滬漢各領事請其轉達政府各駐使卽刻告知外部則俄約
不能終闕先以此法穩住各國假如楊使竟已畫押乃係不遵支歌兩
電旨中朝仍可不認且我已宣布俄約請公斷各國當可從長計議不

致遽行決裂如楊竟未畫押各國必喜且必佩服中國尙有堅忍志氣
我既聽從各國毅然不畫請其公斷各國當不能漠然緘口自損國體
果有公論俄或不能永遠全據即使俄約難挽公約必不致別起波瀾
矣仰祈聖裁請代奏劉坤一張之洞陶模袁世凱王之春同肅語午

盛宣懷電信 請公閱俄約一節英總領事云現尙未可明宣釁不可
自我而開致難調處似亦有理謹聞

盛宣懷電信 伍使往商美外部代請俄廷展限並諷以通商礦路利
益頃據覆云前經照會各國保全中國疆土均已照允原不可與一國
訂立密約現亦無可再言似此情形美未必肯全力助我
盛宣懷轉李鴻章電信 傅相電云樞臣偏聽疆吏及駐使恐嚇之詞

盛宣懷致
樞垣日本
請俄將東
約交各使
公議望俄
廷樂從電

又有反覆國書電旨俄不收閱而欲我逕電俄廷勸其改約未免太不
解事英使謂政府迄今無回電似看得輕不若日本之無理取鬧也希
轉致云

盛宣懷電信 初六午日本總領事交劉宮保張制軍密電奉外部電

開日本政府日前電飭駐俄大臣轉達俄政府聞俄國將東三省約款
移交中國欽差並請限內畫押不許稍有刪改查該約內有與中國東
三省主權干涉者又有與各國權利不符者俄國所求與俄國應享應
保之權利不相埒中國已懇日本並別國從中斡旋勸俄國不必過求
日本政府爲均平東方權力並保全日俄睦誼起見務請俄國將此事
與各國所享利權一路無歧並請東三省事交駐燕各國欽差從公定

議似合情理此事全爲敦厚友誼起見深望俄政府樂從等因謹電聞
宣懷魚戌

盛宣懷致
李致
盛鐸轉
日政府
盛鐸電
日政府
俄政府
意電
大

盛宣懷電信 李盛鐸來電連日疊晤外部將俄約關繫中日利害剴
切陳說本日復請晤經外部加藤與日廷各大臣商酌始允電俄並將
電內大意見示文曰中俄因東三省事擬定條約日本政府已有所聞
此約聞由俄廷擬稿交出不許商改一字限期畫押約內多礙中國自
主之權並有礙各國公同利益現中國政府電託各國代爲轉圜日本
亦在內他國如何辦理固不得知日本卻婉勸俄廷政府請撤去此約
勿令中國爲難以全睦誼更願俄廷此後儻與中國訂約勿損中國主
權俄於向來條約外另索權利至東三省事請歸併北京會議後再行

李鴻章致
樞垣駐俄
參贊胡惟
德報楊儒
傾跌昏迷
電
奕助李鴻
章致樞垣
日外部電
勸俄廷勿
損中國主
權電

訂定總之此事須於中俄日本三國本來利益各無虧損保全東亞是爲至要日本此次勸告係爲保全邦交起見並無他意務希採納等語本日申刻電駐俄日使轉交加藤並云本商各國會電因意見不同限期已迫祇可獨商俄廷並將勸俄各節電駐英日使告英廷云請代奏李鴻章電信 駐俄參贊胡維德電稟欽使楊儒自外部議事歸上車傾跌昏迷不省人事頃醫治略好尙是糊塗理合稟聞云

初八日 駐蹕西安府城

奕助李鴻章來電 頃日本小村使來述其外部電勸俄廷勿損中國主權勿礙他國利益東三省事請歸併北京會議後再行訂定與李使歌電語意相同似尙實心幫助較英美尤爲出力未知俄廷能否採納

盛宣懷致
楊垣請商
俄廷刪去
電室礙字句

並屬楊使隨時晤商駐俄日使珍田探詢一切除電楊使外慶李陽

盛宣懷電信 相持至此果有轉機英領事密告若真決裂公約俄必
抽出法亦不可知聯軍若退恐俄兵進佔英日必爲助守等語似此回
鑾無期兵費尤鉅酬勞亦難此事關繫至重可集衆說而內斷於心不
可爲各國羣論所惑也是以宣懷奉旨籌度後即請降國書以刪去五
處即日畫押爲兩全之道今只有一日本喫勁因滿洲得失日本強弱
繫之彼既敢嚴詞詰問必可備戰聞俄亦戒備無論何人戰勝皆非我
之福最好聽其互相牽制騰出工夫我可急謀自強何難規復權利應
請俯准全權所請速降電旨嚴飭楊儒詳察瀾侯覆函第三節查照國
書內各節與之熟商刪改在各國切責中國於公約之外不得另立專

約此不僅英美日之言也特因中俄交固甘冒不韙派使籌議孰料羣起相爭將以滿洲爲榜樣直至無以爲國想二百數十年鄰邦亦有所不忍一切苦衷具載國書務懇不爽前言將主權所在勿使淪沒必將窒礙字句全行刪去俾各國咸知我兩國雖訂專約並無違礙公約之處則中國感甚各國亦無不佩甚此電旨須防日英怪我求他們出頭做惡人而自己做好人一旦反詰亦不得了竊料俄將取我允畫之電旨作覆日本此旨非嚴切不可須預備各國可看旣肯轉圜似非一二日可定如有不便由樞達楊之說可行電滬當可密轉乞鈞裁代奏宣懷陽寅

奕劻李鴻章電信 頃俄格使又來述其外部訓條限期已到中國猶

俄使催畫
押如決裂
患在目前
電

劉坤一
致俄約
請俟英日
允許後定
議電

遊移不肯畫押將來禍患實大告以日本使今早來稱其政府已電俄
廷云照現約中國主權已失各國權利亦失勸再商改格云日本所言
即是貴國家與羣臣之意如爲所惑必不畫押日本及各國必乘機侵
奪難得便宜望中朝堅持定見體念我皇帝寬厚之度顧全兩國多年
睦誼勿再挑剔致誤全局事機急迫求速達朝廷等語臣等籌思至再
日本電俄必不見聽於事無濟若不切實電令畫押俄必決裂禍患即
在目前務乞速定大計救燃眉是爲至要請代奏奕劻李鴻章陽
劉坤一電信 頃庚電想達覽寄慶李陽旨敬悉俄垂涎遼瀋蓄志已
久今得乘機要挾譬諸物在虎狼之口斷非情理所能禁其吞噬幸賴
朝廷堅持英日力助得以戢其狡謀先廢旅約復改續約仍又自許展

限一二日其虛聲恫喝業已略露蓋中雖不敢抗俄俄於各國亦必有所顧忌今既得英日之助正宜力與相持聽英日與俄詰論歸入北京公約併議若由我與彼仍就原約商減非獨仍難杜其要素保我權利且英日似此相助而我轉自鬆勁各國將視我不足有爲勢必以詰俄之力反而向我其禍即不堪設想逆料俄經日詰聞知衆怒難犯必自轉圜若由楊轉商或當刪減一二復爲欺飾之計然英日既經出爲公論斷非俄刪改一二所能愜意值此安危喫緊關頭伏求朝廷始終堅持不日全權奏到無論如何刪改總須俟英日允許之後方可定議又將來圖報及相推讓等語似可不提以免俄人日後要求各國目前詰責乞代奏

奕劻奏俄
約請權利
害輕重審
斷施行電

初九日 駐蹕西安府城

李鴻章電信 陽電旨敬悉頃已接駐俄參贊電轉呈俄約業經罷議
此後靜觀變態無從商辦璞科第亦不肯轉電矣

奕劻電奏 昨俄使往晤李鴻章該大臣據該使言並未來商遽行會
銜具奏查俄約關繫全局不畫押致干俄怒然畫押必干衆怒利害重
輕非臣下所可擅斷密求朝廷統籌全局審斷施行

旨寄奕劻李鴻章陽二電庚三次電均悉朝廷屢懇俄廷展限改約實
爲各國所迫疊次電旨已詳言之不獨英日力勸謂一經畫押德即先
犯山東各國亦將別據即德亦言如有專約牽涉中國財力斷不坐視
俄若決裂公約德自能在京照常辦妥美亦咎我謂各使在京言明公

約未定之前不應與一國立專約英瀾侯謂中國如畫俄約危險已極如關英國權利必向中國取償是一經畫押各國羣起分裂各駐使皆歷歷言之今來電言不畫押必致決裂其禍甚大但就一面而言儻一畫押該王大臣能保各國必不分裂乎該王大臣日與各使時相接晤如果確有把握朝廷自不難照允否則觸怒各國禍患立至害之輕重遲速不能不詳細熟權楊儒現值跌傷恍惚此事尤惟該王大臣是賴俄主素著寬仁厚意保全中國李鴻章向與俄習務當於萬難之中力任其難設法向俄婉商仍以先定公約再議專約勿坐視決裂爲要軍機處致李盛鐸電信 前電述日廷致俄請撤專約並令勿失中國主權勿奪各國權利東三省事宜歸入在京公議等語日廷顧全東方

劉坤一
致俄約
無如
論何
剛改
須商
允各
國電

大局誼切唇齒實力相助中朝深感現俄約已婉詞延宕並未畫押不知俄如何回覆日廷初七以後日廷作何措置希即確實詢明速覆爲要

劉坤一電信 慶李麻申陽兩奏呂使魚電奏想達覽俄前拒楊甚堅忽爾約晤口氣鬆動必係因日詰問中有所餒格使謂不懼各國全是虛聲恫嚇斷不可爲其所動全權力主定約至今日亦知日本實心幫助英瀾侯始終請我勿畫當以公論相助即中立觀望之德國亦謂俄若決裂公約在京照常辦理尤可放心中國開釁各國之後不圖有此鄰助正宜迎機善導爲聯交自立之計細揣英日情形瀾侯雖有不助兵力之言然詰問不應勢必不能中止日本若不得英人助兵確據豈

敢遽然出頭此等機宜英可與日言之不便明告我耳宜飭楊使僅行停議持以鎮靜不可輕著一語致貽口實我不畫押而逼出英日順直退兵之言不令楊使畫押而又逼出日本向俄詰責之事此時我能堅持到底各國必出調停東三省勢必歸於公斷不惟瓜分之禍可解卽三省亦可保全萬不可將前約略爲刪改仍令畫押又墮俄人術中自蹈危機伏祈迅發電旨飭令三全權無論俄約如何刪改總須與各國商允方可定議朝廷持以堅定大局必有轉機若稍一鬆勁日英助我不成轉摟兩國之怒豈第俄約慮有枝節更恐公約因之牽動危可立待機括閒不容髮伏望聖明採納曷勝迫切之至請代奏坤一

初十日 駐蹕西安府城

張之洞致
樞垣俄約
請俟公約
定後再議
電

張之洞電信 魚陽庚三電旨宸斷堅明曷深欽服李相電催畫押務
望朝廷勿許英日德外部皆言公約未定不准立私約正月內德外部
覆鄂電亦言中國須守定先定公約不立私約三國又皆言俄約應歸
公約至英必取償日必效尤語氣皆斬釘截鐵李相一概不理但云格
使付之一笑假如各國效尤分佔中國能付之一笑乎至謂俄據遼東
必致各國分裂未免顛倒惟俄約即使再改亦與英日德三國先公約
後私約之意不合然則允既不可改亦無用惟有請飭全權與俄婉商
暫緩議此約於俄並無所損總俟公約定後再議以便遵照魚旨請各
國公議評斷李相如肯與格使切商緩議必可辦到李相如肯與英日
德美各使常晤推誠相商公斷亦必有辦法請代奏之洞肅佳午

劉坤一奏
樞垣俄約
諸各國公
順方爲高
全電

劉坤一電信 京庚電奏所論事理實非籌國至計畫俄約各國效尤
前據各使各領之言均經由電上達不再復述不盡俄約英瀾侯云無
論俄如何舉動英當以公論相助又謂英在中國保商外無他圖當始
終以全力相助並云公約仍可在京商定順直亦必到時退還日云俄
即決裂強佔東三省各國必主持公論聯軍先退出順直再向俄責令
退兵美謂前照會各國保全中國疆土不可與一國訂立密約即中立
之德亦謂中國地土德不願有所損傷一再發訓條飭穆使俟中國將
俄約知照後迅速在京會同各使公商又謂俄若決裂公約在京照常
辦理各等語是允俄約即有分裂之禍不允俄約按照各國所論非特
無礙公約不佔地土且肯力助公論與我實大有益此皆有電可稽並

非憑空臆斷京電所云俄據東三省各國亦必藉詞據地實係俄人捏詞恐嚇萬不足信俄欲謀佔東三省誠不量我苦衷全我友誼惟各國公論所在實爲俄所深忌縱俄欲永據三省各國既出公論亦斷不能聽其所爲一經畫押非但公約停議各國勢必效尤若決計拒俄英德既許公約照常辦理縱延時日亦無他害利害分明不意全權轉行誤會惟全權所見既偏現值楊使患病惟有將此約暫行停頓聽候各國公議即使將來商議此約亦請照各國之意歸各國公斷方爲萬全之策伏乞朝廷力賜主持大局幸甚請代奏

十一日 駐蹕西安府城

李盛鐸電信 昨外部述俄答詞因恐譯語不明囑其鈔示原電頃外

密約俄外
部已告日
使電

部交來節略一紙電文在內併囑電呈其略曰俄外部答日使珍田詞云俄國欲與日本親密消除意見將中俄交涉之事例不能告他國者明告日廷如左 一俄國若不被他國舉動牽連則俄退出東三省之實意現仍照前毫不減少 二約內如侵礙中國主權及礙各國利益並無其事 三此約訂定後即將條款告知日廷屆時日廷當知俄國不食前言 四東三省事專與俄國交涉承勸將此約歸北京會議與俄國向來辦事宗旨不合以上各節均俄外部答語此外尙有安慰日廷之詞均極委婉雖然如此日本政府實未能滿意隨後辦法如何現正商酌中國政府趁此速照英國前次勸言將東三省約稿交北京會議最爲要著否則將約稿交日廷一閱亦或可向俄辯論云云外部昨

囑覆江鄂二督電有須將約稿由全權交各使閱看方可據以公斷如無洋文漢文亦可若全權不便交由江鄂交各領事亦可等語東約不畫押是已開罪於俄交閱無所顧忌若已畫押亦非此著不能挽回機會一失以後萬難補救愚見附陳伏候鈞奪請代奏

劉坤一將致
樞垣分電
俄約分電
我駐使知
照各國電

劉坤一電奏 頃盛宗丞電英日美堅執勿立專約本屬正辦特慮德中立不助今呂電德廷仍照效電查效電稱俟中國知照即可會同各使在京公商是四國相同奧意必隨理足勢亦足且朝廷已電四國江鄂又經電聲明若不照辦恐俄出變態各國轉致無憑公議亦謂李相不願與英日德美各使詢問慶邸意見不同查全權肅奏俄約布告怒必更甚向例兩國議約未定稿之先不得漏與各國況布告耶然苟

竟不布告各國雖知其詳難遽發爲公論壁利南初謂兩國專約不應布告今接瀾侯電亦謂有礙各國權利則不妨知照惟有請江鄂奏請派慶邸等知照公使並真電旨令我駐使將十一條知照外部請其公議云日前江鄂會議囑李使轉商日外部公斷頃李使電覆據外部云日本所得約稿來歷不明未敢自信請照英國前次勸言由全權將約稿交各使閱看方可據以公斷如無洋文漢文亦可若全權不便交由江鄂交各領事亦可等語屬電陳云俄約無論在公約前後若仍由我與俄商改必損權利仍不能洽各國之意惟有請各國公評最爲萬全至計旣欲各國公評必須將約分告我旣聽各國之言逾期不畫俄約已攬俄怒俄約分告係照四國所請自宜乘此宣布俾各國公斷有據

兼示我推誠求助之意約內有礙各國權利宣布縱擾俄怒在我亦復有詞李相既不以宣布爲然雖電慶分告亦必爲李所阻惟有請鈞處請旨將改約十一條分電我駐使知照各外部請其分電或照李使電令江鄂分告亦可乞迅賜核覆坤一卦

王之春奏
俄事請抱
定聽公斷
從公約兩
語電

王之春電奏 節據探電日英已出頭阻俄專約日本致俄書尤切至其保全日俄睦誼一語顯露關繫自家不能干休之意德並謂俄即決裂公約仍可照常辦理此蓋堅我拒俄之意非公約專約可許並行之詞觀各國語意雖有輕重而禁立專約則國國皆同其專注此條實可概見今俄已請見楊使自允展限是其劫於衆勢情虛亦無可疑查俄之圖吞東省前次電奏已詳時甫訂密約即要求鐵路甫許鐵路即佔

據旅順其貪狼百出絕無可恃之情路人皆知不煩卜筮此次之約有如已入我室不過取一文以搪塞他人耳以彼蓄謀之久得勢之盛非有絕大之壓力如英日者不足以持之而英日非有切己之利害亦必不真心助我臣不能信其爲我之真而不能不信其因自爲而爲我之切更不能不慮其因助我無成轉而怒我之至危極驟今日我惟抱定聽公斷從公約兩語不提專約一字爲能合乎全球之公理適乎各國之私心而藉衆強制一強是萬全無害之上策反孤立爲多助尤千年難遇之機緣且凡各國所責於俄者即必不至舉以限我是公約尤可藉此以少寬所關更非淺鮮否則各國必怒我游移公約亦必不能遽定兩不討好禍必益深且使彼知俄有後約必於公約增一語曰以後

無論何國另有專約則各國皆必照辦臣料將來之俄約必仍不出此次之範圍各國之切爭亦必與俄相因而偪至旅順威海之已事可爲的證繼此而起之分擾尤不止一隅且爾時已與我離心即不能不自圖已事欲再託其轉圜決不可能今日遺火於薪幸暫時之可燃比既燃則不能救何若藉衆鄰以徙薪不留一星之爲愈也臣亦知局中任事之難何敢強以難行之策顧統核前後之利害熟考彼此之情形實覺從衆爲一線生機辦理非萬分棘手失此不圖大禍立至知而不言負恩尤深伏求兩宮堅持歸併北京公約電飭全權大臣以不能違衆立約感動衆心卽以間執俄口俾知我意無可調停衆怒不能干犯俄見我堅持或拒使不見或絕約不議甘言餌之而不動者必用危言以

李盛鐸致
樞垣日廷
勸阻俄約
以俄人遜
對電詞

恫喝之竊料我既得多助俄雖強必不至決裂亦尙可徐圖萬望乾斷
勿疑正具電間適接探電據駐俄參贊電稱楊使晤俄使詢問畫押憑
據並云明晨九鐘前無中國電旨即以不允此約入告俄皇語畢即起
未有別詞亦可見其伎倆窮矣又謂楊使以跌傷神氣恍惚臣以爲此
正歸併北京議約之機也應請電飭全權照會俄使即以楊使暴病爲
詞請一切歸併北京議辦似更直捷是否有當伏乞聖鑒求代奏之春
佳

李盛鐸電信 加藤接駐俄日使電云前已勸阻俄國俄人遜詞以對
且云東事與各國無干俄甚願與中日和好且此約無礙中國主權亦
無礙各國利益將來約本可以交閱但此約係俄一國之事不便列入

公約內辦理話甚和平云云現日政府仍當向俄詰問內閣會商後方能定見惟接滬電謠傳已畫押此節若確日廷辦法便有更改現專從中國託爲排解保護中國權利立論如已畫押則當從有礙日本利益立論詞氣若與情事不合轉爲俄所笑惟望告以實情以便向俄詰責鐸謂畫押恐不確即已畫未用寶伊犁前事卽是例案加藤於此事甚用力

十二日 駐蹕西安府城

軍機處致李盛鐸電信 佳蒸電均進呈日廷誼切唇齒篤念邦交朝廷深爲感謝俄約未允畫押雖觸俄怒現尙無決裂形跡兩國議約例不得宣布宣則覺自我開此時中國斷難先自開釁故未便明將俄約

張之洞請將
國書託英
轉俄或可
轉圖電

交各國閱看此即實在苦衷日廷當能相諒惟俄約各條大端各國皆
已知之即可婉商外部能設法卽以探聞各條邀同英美各國公議再
向俄轉圖請在京先定公約以限制之則中國亦有詞以謝俄受益不
淺中日同洲邦交愈加親密何幸如之所商如何仍希電覆

張之洞電信 佳旨敬悉不允畫押不激俄怒此時辦法盡此二語頃
日本總領小田切轉外部電述俄答日本電文請洞轉達行在字句與
李使佳蒸兩電小異大同故不復陳俄答多詐是其慣技如無損中國
主權無礙各國權利顯然欺誑不肯交公議不肯先宣布顯然固執惟
不願與日本決裂則情見乎詞若英加一言俄必變計矣但罷議日久
其因羞成怒可知現已遵旨詢商英日德美各外部乞其勸俄渾言此

事務須與中國和平商辦以俄借各國勸解得以轉圜不知有濟否再現在以洞私意與英外部商言我國書俄不收閱擬將國書電英託英代轉俄以冀俄廷得見或可就此轉圜緩議此係創格權宜不知英外部肯否如肯代轉再當奏請朝廷裁酌另撰國書得各國覆後即奏聞請代奏

羅豐祿致
瀾侯公約
英仍可電
京商定電

劉坤一
致俄約

羅豐祿電信 佳電遵商瀾侯據云公約英仍可在京商定已於支電聲明各國亦必無停議之理俄永據東三省不過現時揣度鄙意俄或將原稿窒礙盡除亦未可知英以公論相助等語又東電全力之全字係內字之訛英人以公論相持爲內力兵戈相制爲外力豐蒸

劉坤一電信 佳電旨恭悉俄約關繫重大坤一等非確有所見何敢

請錄公函
並先宣約
電二件

上瀆宸聰畫押則羣起分裂各國已有明言具詳歷次電奏李鴻章謂不畫亦必效尤瓜分不知何所見而云然俄怒自在意中然怒一國究勝於怒各國時勢所偪祇能權害從輕目下限期已逾俄無可商即或再來商辦我亦萬難遽允不能不與各國妥酌是宣布俄約爲最要關鍵尤須於俄未變態之前宣示各國方能得勁擬請旨將俄約全文電飭各駐使轉告外部請其公議或由江鄂告知各領事亦無不可至北京公約英德等國均謂照常辦理並請諭飭全權大臣迅速商辦以免延悞總之俄約必歸公斷方無後患公斷必先宣約方有辦法此一定步驟伏乞宸斷施行請代奏坤一真

劉坤一電信 接滬日本總領小田切電頃奉外部大臣電開准駐俄

欽使電稱西歷三月二十五日俄外部言東三省約正在商議未便明白佈告惟俄國之意除非別國行爲有礙事局將來必將滿洲之兵撤回該約內並無侵損中國自主之權之條亦無有礙各國權限利益之條俄國容俟簽定條約卽行知照日本即知俄國所爲皆與前次宣布之言一路無歧至該約交駐燕各國公使公議一節東三省事專與俄日交涉且似此辦法與俄國向來辦事宗旨不合云云該部言辭叮嚀足見俄願與日本和融辦理等語本大臣業已於三月二十八日將以上各節知會李欽使查此次俄國所答各節日本政府於心不能十分了然應如何辦理正在思量此時尤望中國政府按照英政府告羅使之言將東三省條款交駐燕各國公使公定或將該條款明示日本以

李盛鐸致
樞垣俄事
日廷已備
戰電

盛宣懷致
樞垣俄約

便隨時與俄提論此爲切要即電南洋知照並請電行在照辦等因奉
此即請電達貴政府即將該約交駐燕各國欽差公議或明示日本以
便隨時與俄商議爲盼云請代奏

李盛鐸電信 佳電祇悉未畫押遵告外部俄答語已詳佳蒸兩電聞
日廷自發電勸俄後密飭海陸兩軍備戰外部卻未言明亦不便向問
外部得回信察俄意和平似有喜色至彼國輿論多勸政府責俄撤約
還地否則開戰我若拒俄召釁倫政府坐視必爲輿論所不容彼議院
公開民權甚重也駐日俄使於日人舉動偵察頗周東方鐵路未成恐
俄亦未敢輕開戰釁愚見附陳乞鈞奪盛鐸蒸西

盛宣懷電信 奉佳旨朝廷已堅持非改至不背公約不允畫押中外

欽服楊使初六見外部後病不能興機亦甚好或命邸相面商格使改歸京城議辦如不允再另派全權赴俄不緩自緩如此重大事件病使及參贊須諭令斷不可造次惟東省壽山晉昌與俄一國開釁被俄一國佔據自不能無交收專約況已派專使在先乎俄覆日第四節聲明宗旨不欲歸北京會議德雖稱仍照效電在京公商而謂京俄兩約正非一事可同時並議瀾侯意俄或將原稿窒礙盡除亦未可知此係三國最新之覆電故宣懷管見始終總以就約刪除窒礙以不懼效尤爲度仍訂專約爲兩全俄若自行轉圜刪改最無痕迹仍須開門與他自走擬請摘敘近日各國要電電飭邸相照知格使一楊儒粹病心神恍惚不能辦事卽應另簡使臣前往接替二東三省約章德英美日皆請

交與各使在京公商三俄廷現覆日本第二節約內如侵礙中國主權及礙各國利益並無其事則十一款內國書所指刪去數項及此外如有侵礙主權並各國利益者自應盡除四中國仍願與俄如常敦睦但迫於公論須懇原諒看他如何回覆未知當否乞代奏

旨電奕劻李鴻章現各國皆云俄約萬不可許朝廷亦決不欲輕許着卽擇要四端面告格使一現在楊儒病廢不能辦公事朝廷須另簡使臣議事藉此可以拖延二東三省約英日德各使皆請交出在京公議中國不能違衆定約三俄廷現致日本書第二節約內有如侵及中國自主之權及礙各國利益並無其事等語則前所議十一款內國書所指應刪去數端此外如有侵礙主權並各國利益者皆得刪去四中俄

仍欲和好一切可以從緩酌商該王大臣即與格使明言中國此時萬萬不能違衆畫押如何答覆速即電陳

旨寄奕劻李鴻章頃呂海寰電稱據德外部爲中國計俄約仍應在京公商爲安京俄兩約本非一事儘可同時並議但俄約不宜混入京約致京約延宕儻俄約辦至畫押或同時或先後均可等語各國來電均願早定公約德廷亦如此持論足見公約不可緩議著奕劻李鴻章迅即切商各使務先將公約趕緊商定現在事機緊迫該王大臣等休戚與共當必能力爲其難妥速辦理也

十三日 駐蹕西安府城

王之春電信 聞有以宣示俄約爲西例所忌者查公法第四百五十

俄約即決
裂亦不致
電動公約

八章條約若與某國有礙致令不得興旺或與內政有阻某國即行宣示而後退之可也云云似與此次情事相合且我之不遽宣示蓋在俄未絕我時然今不見參贊不接公文是已與我離心迫我不能不專倚各國且英瀾侯已電索約底各國亦必宣示以便公斷揆諸理勢我若再闕則俄必窺我情虛而愈恫喝各國亦必怒我之不誠而頓解約從徇一俄而得罪各國既違從衆之議強曜一業已離心決無理性之俄而激變實心爲我齊心爲我之各國使之亦與我離心毋乃顛倒太甚利害大懸正具電間欽奉電寄佳旨全權遽謂不畫押則俄必決裂永不還東省各國亦必效尤瓜分此俄使誘我之甘言恫我之虛聲也春則以爲俄忌各國必不至遽行決裂東省干係各國必不能任其獨佔

即使決裂即使不還東省我既請命各國聽從各國必不至效尤瓜分且此時此勢各國果欲瓜分何必效尤又德國已明明許我以俄即決裂公約亦可照辦何至有牽動公約之事此皆決裂無可慮且不必慮者惟全權須認定此義開誠與各使商定辦法以主持於內春等各督撫電商各國外部以維持於外庶以一心一氣之力收爲迎爲拒之功不宜更有異同自蹈危險祈卓酌之春肅眞

盛宣懷電信 李盛鐸電東使眞電加藤昨囑速將約底交駐京各使

閱看請其公斷昨電江鄂本日覆電樞廷舍此恐無辦法即日廷亦須見眞正方能再向俄駁詰總之此事若聽俄決裂或轉不至決裂即決裂尙有他國相助若畏決裂而遲疑不斷彼氣燄愈大且愈延愈難辦

盛宣懷致李
樞垣轉電
盛鐸電俄
約交各使
公斷請勿
遲疑電

盛宣懷致
樞垣開東
省利益與
願略分俄
日請預防
電

袁世凱致
樞垣俄欲
立專約各
國欲與公
約相仿謹
陳辦法電

鄙見如此乞卓裁云宣懷真

盛宣懷電信 聞俄願與日本密商將東三省利益略分與日李使謂
尚有安慰日廷之詞殆暗指此款日甚喜且三韓亦屬兩國互爭恐其
互換利益現值主意未定操縱最關緊要亟宜防之宣懷真

十四日 駐蹕西安府城

袁世凱電信 欽奉佳電旨恭悉俄廷不見使員不收國書固係要挾
慣技然在我未可聽之英日德美屢請在京宣布亦未可概置不理楊
使病成偏廢尤未可久懸要差查駐日李使各電日廷既自任擬保全
中國權利俄廷已以例所不能告者明告日廷我亦可乘機破例專託
日廷轉商一切擬請飭李使將前次國書指改各節託日廷代達俄廷

並告以俄人拒使還書各情形無論俄人肯否聽從而我之禮義已盡萬一俄人無理取鬧亦可引日人作證且日廷得知梗概亦不宣而宣之一法日廷持此詰俄較有根據至宣布俄約如慮操切似可飭江鄂兩督約各領事至署面交俄約並切託其轉達各政府代爲排解較之在京宣布自屬和平至使臣患病例以參贊暫攝而楊使現充全權自與平常不同宜電飭留京總署王大臣照會格使以楊使抱病責任綦重現擬調派使員前往接代如慮代員遲緩或改由總署與格使在京商辦果能移京商辦自可就近與駐京各使分別妥商與各國在京宣布之請亦不甚違總之俄必欲另立專約各國又必欲與公約相仿宜使俄人不至勢成騎虎各國不致有所藉口始可兩全安陳愚慮伏乞

奕劻李鴻章致德電
不畫俄約
以後事更
難爲電

聖裁請代奏世凱文

十五日 駐蹕西安府城

奕劻李鴻章電信 頃璞科第持示俄戶部微德初七電稱楊使送閱
電旨竟信英日讒言而不信俄廷忠告若與有仇者不知英日不敢公
然向俄辨論卽有言亦斷不聽俄好意待中國反視爲惡意從此應絕
交任俄所爲並諭格使以後再議公約祇可兇剛勿謂作梗如現議續
辦外省禍首各國要殺多人俄初未允各國要索鉅款俄亦未允今當
反是變本加厲矣以俄與中國爲難較各國爲難何如務將此電速告
李某等語鴻深知俄主改約微德之力居多今不畫押俄君臣必大怒
怒則以後事更難爲正發電間接吳王克託初七日密稱自回俄以來

於交涉各議概不與聞公知我與辦事諸人意向不同惟知得有確實消息我國家見貴國不願將交還之約簽字擬即永據滿洲但我意兩國終須修好故敢勸閣下盛其權力排解以保危局云今有一線生機趕發急電令楊使畫押或可挽回大局切勿再有顧慮微吳兩電暫不便覆請代奏奕劻李鴻章佳

旨寄奕劻李鴻章佳電因綏阻本日始到俄約不畫外部及格使之言雖甚決絕現俄戶部與吳王均有來電雖語氣不同而已露轉圜之機奕劻李鴻章亟宜趁此機會速將中國深感俄廷允還東三省之情及此次未能如期畫押並非聽信讒言有負忠告實因各國均執定公約未定之先不得與一國另立專約之語相責且謂宜在北京公議先定

張之洞致
樞垣請發
國書懇俄
勿決裂請
各國以公
論相助電

公約中國勢處積弱固深賴俄廷維持亦豈敢激怒諸鄰致誤大局至
交還三省將來中俄必須專約此時務懇俄廷見諒即告格使與各國
先將公約平允議結免使朝廷爲難等情迅即電覆徵德吳王克託並
託吳王從中曲爲調停此事關繫甚大奕劻李鴻章務當趕緊設法因
應但使機有可乘勿以未便電覆置之仍一面會商各國京使迅速先
議公約爲要

張之洞電信 此時自不宜激俄怒但逾限不畫押俄已怒矣然參贊
胡惟德真電珍田尙遣人密告條約請勿疑應逕向我國商云云徵德
電怵李相以絕交吳王電又歆李相以修好俄所以不能逕逞其怒者
徒以顧忌各國之故也此時宜速爲俄開轉圜之路惟有仰懇朝廷速

撰國書一道先申感謝切言俄主厚德極深銘感俄國威力久知遠震無如中國力量太弱四國勸阻迫令應交公議不敢強違致擾衆怒而壞全局懇其鑒諒中國進退爲難稍從緩議請俄與各國公商保全中國顧念舊交此乃請各國公斷並非併入公約等語其刪改前約各條一字不提但懇其勿催畫勿決裂耳即速電慶邸李相託格使轉電俄廷如格不肯轉即切飭李相覆吳王電中務將國書照原文敘入自能達到俄廷並請一面發國書電飭羅李伍三使速商英日美外部述俄戶部電有絕交永據之言謂中國已聽從各國之勸逾限堅不畫押俄怒已出諸口懇其踐以公論相助之言電致俄國但懇其和平緩商萬勿與中國決裂永據我根本之地不必提及刪改約款等事並告各外

部將來公斷中國無不聽從俄有吳王轉電又有三國居間亦可藉以自解英國尤要日本一言俄自展限英復一言當有轉機東三省俄約條款各國實可盡知若歸公商則從前十一條竟可不提聽憑各國酌量公斷總較原約爲勝目前即不宣布亦可總之此時分發國書懇俄勿決裂懇各國踐言以公論相助有益無損似亦應有之義伏祈聖裁速行請代奏之洞肅鹽

旨寄張之洞鹽電悉前兩次致俄國書均置不理此次再致尙須細籌現已電諭奕劻李鴻章照此意電覆微德吳王以期轉圜若致英日美國書設彼因此索宣俄約許拒兩難轉多窒礙仍應由該督會商劉坤一將俄約漢文擇要密交英日美領事密電各外部請其公議力踐以

盛宣懷致
樞垣羅使
電俄約請
英日代商
或請他國
調停電

公論相助之前言較爲妥協

十六日 駐蹕西安府城

盛宣懷電信 眞諭轉商後羅使寒電晤瀾侯豐以私意相詢瀾云各國原勸中國將俄約交駐京各使公議今江鄂議將該件交滬漢各領事轉各使必有益等語李使元電稱屬商外部據稱日本前詰俄卽以探聞立論但欲聯同各國似不如交與各領事轉電各外部較爲迅速云頃奉元電詢俄約當已密交各領事如何商辦迅速籌覆刻詢英日領全文已由江督鈔交璧利南云應卽由江督電各領事聲明今因俄國力請中國照此約畫押但不知各款中有無窒礙他國利權否故將約稿送交貴國察量等語則各國似有道理云此事初冀俄自轉圖今

奕劻李鴻章致四條電旨四條交俄使不拆閱電亦不拆

奕劻致各國不

格使又退照會似對面難議四國均請照會駐京公使似不得乎此必得乎彼或照璧擬先由江鄂用輕筆交各領事代轉或照張督所請將國書商改各節請英日代商或竟由朝廷諭請他國出爲調停乞鈞裁宣懷咸

奕劻李鴻章電信 文電旨四條遵即備文照會格使彼知爲東省事不收亦不拆閱原文送還另簡使臣非俄允接待不可約章交在京各使公商顯係欲以各國制俄俄覆日本語亦恟恍無憑既迫於公論又稱如常敦睦俄必不受臣等明知此四條非所願聞又不得不遵旨辦理然實無婉切商議之法謹據實電奏奕劻李鴻章鹽

奕劻電信 真電祇悉現在屢催各使商訂公約正議辦租界賠款停

致因俄事
延攔公約
電

李盛鐸致
樞垣日外
部云應付
俄國詞宜
決絕語却
和平電

考及懲辦外省各員諸事窺各使意旨言不因俄事致將公約延攔如賠款確有把握約計三四月內似可撤兵合肥意雖偏然仰賴朝廷主持渠亦未敢決然遽定仍可婉商力阻務期早定公約以維大局至俄約勢成騎虎可否由朝廷諭請他國出爲調停以冀轉圜探悉俄使尙與議公約斷不至下旗回國遽形決裂特此密陳慶鹽

李盛鐸電信 連日接劉張盛各電屬詢外部辦法據稱東三省俄已佔據本無須立約所以求立者因恐各國責令退兵還地保中國主權故思得約杜各國之口中若畫約各國講均霑之理自必羣起攘地中若不畫各國何能藉口格使乃謂不畫押各國乘機侵奪另佔便宜與此正相反理不可解俄前謂逾期不畫即決裂現逾期六日尙無舉動

劉坤一
致樞垣
約密
已分別
致各領
電

其爲恫喝可知但不必過慮現代籌辦法惟有兩事一將約底交各國閱看公斷一無論俄如何要挾總答以此約關係太重兼各國勸阻萬不能盡請原諒以詞宜決絕語卻和平爲要不必多說致存糾纏亦不必用好言慰彼致乘隙而入又墮術中俄若不顧亦不必向理論堅持定見靜以待之俟有舉動再商應付之法等語合電陳乞鈞裁鐸元

劉坤一電信 真電悉盛京卿真電慮俄餌日一節事關各國利益揣日當不出此惟盛電既有是說不可不加考校因電李密詢宗旨頃准覃電云錫電祇悉俄約交領事李使覆稱日外部謂好極請速辦當商各國設法以保中國權利密探宗旨一節據稱日爭俄約專爲保全中國如令各國勢力均平不欲一國偏重貽害東方大局決無攘利之見

等語竊思日倘受俄餌欲分三省利益或與三韓互換不應力勸將約交各國公評各國力爭日本獨得利益各國豈能甘讓此理似明乞鈞奪云坤致李使電另錄奉達備考至俄約既欲各國公評必須將約分交各國方有依據鈞處真電囑令密交辦法最妥商盛密致謂宜由滬道面交因未妥洽已由敝處分別密致各領並聞坤願

十七日 駐蹕西安府城

上諭黃槐森著開缺另候簡用于蔭霖著調補廣西巡撫

劉坤一電信 元電悉交約事已詳願電俄約各國既均請公商必須有約方可據以商議李使電覆日外部知約交各領謂好極當商各國設法以保中國權利是此時辦法必須將約分交後方可再請各國向

劉坤一
致俄約
極妥
公評
金非
均妥
策電

俄公論將約公評否則皆屬虛言現於交約後又分電李羅兩使告以俄欲絕交永據囑速商各外部向俄公論李使覆鈞處兩元電日外部所論辦法極爲懇切透澈是俄約舍公評之外均非妥策現在必須抱定此意萬變不搖絕交永據無非恫喝慣技俄若非顧忌各國逾期之後必早決裂既有英日公論相助儘可靜候事機鄂督鹽奏即日外部所云詞雖決裂語却和平之意辦法最妥但俄無論如何對答在我總須握定公評之策乞垂察

十八日 駐蹕西安府城

奕劻李鴻章電信 日美法英德奧比義日本荷蘭十國公使照送查明外省確犯重罪應請嚴懲各員清單署山西歸綏道鄭文欽陽曲縣

白昶直隸灤平縣文星浙江衢州府都司周之德均擬斬決山西汾州府徐繼孺忻州徐桂芬和林格爾通判毛世黻克脫城通判樊恩慶署歸化城同知郭之樞寧遠州司獄李鳴和盛京副都統晉昌浙江金衢嚴道鮑祖齡直隸清苑縣張丙喆湖南衡永道隆文均擬斬監候如貸其一死至輕改發極邊永不釋回山西河津縣齊廷光太原府城守尉石鳳歧壽陽縣秦鑑湖前浙江巡撫劉樹棠按察使榮銓前衢州鎮喻俊明均擬革職發往極邊永不釋回蒙古塔拉特王綏遠將軍永德擬革爵職永遠監禁倉場侍郎長萃湖南巡撫俞廉三調河南巡撫松壽均擬革職永不敘用以上二十五員皆由各大臣查出確有證據詳註罪狀據英參贊述各使之意謂必須先辦方可續商他款籌議撤兵

云至衢州案內各員遵正月齊電旨竭力磋磨鎮道府均改從輕惟劉樹棠榮銓單內仍擬革戍續又遣員再三商酌稍有活動口氣似可改爲革職永不敘用斷不能再行輕減統計單開共壹百四十二員摘出情罪較重者先行電奏其餘另再具摺馳陳惟嚴懲各員內除鄭文欽已奉旨正法在逃未獲永德病故前另電請旨諭俊明亦據報病故應請扣除外可否俯允所擬先行降旨以憑傳示各使速議他款早定和局請代奏奕劻李鴻章諫

旨電奕劻李鴻章續懲辦各員不免過重白昶文星有無確據再查定罪劉樹棠榮銓所擬遣戍亦屬過重松壽擬革職留任應免置議封疆大吏得人頗難未便率予重處均須極力剖辨蒙古王屬外藩俞廉三

尤應保全首禍已辦多人勿再株連重傷國體大失人心

張之洞電信 頃聞各國請續辦各員單有湘撫俞廉三請革職永不敘用查湖南教案英國前已議結惟法國教案內有戕斃教士三名糾纏特甚法教士任德資親赴衡州永州等處查辦與地方官妥議待之甚優憤恨已釋續拿辦真犯四名議定賠款三十餘萬並建堂賜額等事教士甚爲欣愜深願從此了結屢向俞撫道謝函致領事已甚滿意現已回漢口商辦畫押等事議定明日畫押忽聞法使於湘撫欲加重處該教士甚以爲不必代爲惋惜願致函電與該公使代爲剖辯挽留等情查俞撫於教案僅止獲犯稍遲然實極力彈壓湘省士囂民浮措置不易現已得其竅要獲犯賠款調和民教保護周密若再易生手斷

奕劻李鴻
章致樞垣
法與俄交
厚請電裕

不能如俞撫之保護得力此爲教案計也俞撫於地方政務廉潔公明
精勤老練嚴緝富有票匪頭目最多幸得弭亂不徇情面不畏謠誣又
頃保教緝匪兩事皆力排衆議獨爲其難洞知之最悉此爲地方計也
此時別選湘撫如俞者實不易得無論其他票匪頭目湘中文人最多
現仍蠢動斷無人能如俞之查緝票匪不避嫌怨地方治亂所關不敢
不言伏望朝廷萬勿許各使所請或薄予處分總須留任稍緩數日該
教士函電必已到京當可轉圜再明日必畫押並聞請代奏之洞肅洽
十九日 駐蹕西安府城

奕劻李鴻章電信 翰電旨敬悉微德電令璞科第來述各語甚怪中
朝反覆未便置覆至吳王克脫已於十二電覆請其密勸俄皇寬宏大

使赴外部
諄託電

度仍守不佔中朝土地原議俟公約定時再行畫押尙無回電前英美日德奧義墨以勿與俄訂專約來告法獨無言畢使謂他們瞎鬧與法何干知其與俄交厚屬電政府並電裕使赴外部諄託未知果見聽否請代奏奕劻李鴻章篠

旨電奕劻李鴻章俄約朝廷決意不畫就使觸俄之怒較之撓各國之怒兩害相形則取其輕請卽婉告格使朝廷並非頓背前言實因各國紛紛陳說應歸公約公議中國豈能遽拂衆議中俄向本和好尙乞鑒原並請俄國出力先定公約以後事可從容商酌將此並電楊儒婉向俄廷陳之爲要

二十日

駐蹕西安府城

伍廷芳致
樞垣美外
部稱俄使
云俄約既
有責言俟
後再商電

劉坤一
樞垣李使
電日俄有
兵戎相見

伍廷芳電信 東約通商美廷外部云俄使頃來復奉伊國主諭俄與

中國訂約原爲退還東三省起見仍守保全中國疆土之說並無他意
今既有責言允不再強中國俟日後再商結云云外部又稱俄使已交
節略爲據竊謂俄約既不相強東三省似宜開門通商以杜覬覦

軍機處致伍廷芳電信 巧電已進呈據稱俄約既不相強東三省似
應開門通商云前原欲以此款動各國昨據日本謂各國只可仗義執
言不可以利相爭是各國並無通商東三省之意所謂開門通商現在
如何舉辦望詳細妥籌並探美廷議論迅卽電覆

劉坤一電信 李使嘯電昨午外部與海陸軍大臣會議甚久又各大
臣在伊藤宅內申刻集議亥刻始散聞日俄有開釁意頃倫敦電俄派

兵船六十一艘來東內鐵甲七艘快船七艘又倫敦司丹達多報論日俄交涉有俄外部明言拿定主意當與日本兵戎相見之語查日本海軍共二十六萬噸俄在東方海軍現約十萬噸添派多艦當亦僅足相抵勝負之數固未可知與我利益所關亦難預定惟當靜以待動不事張皇暫作局外旁觀爲此時要著至東南沿海關繫英美各國似可無慮云謹聞坤效

軍機處致全權大臣電信 昨電旨當奉到俞松兩撫尤冤衡州教案已議結即日晝押教士頗稱謝並電京法意使爲之轉圜俞撫自可免議松撫在江西即東南保護之局松亦在內以民教素不相安之地當事機擾攘之時江西全省教士教民一律保護平安無一傷亡者亦可

謂盡心竭力矣今不以爲功反以爲罪豈得以平日教案之多責之尤望大力切實辨論多所保全爲幸且此次拳匪肇亂致各國聯軍入京深罪禍首其一二省之教案僅一二省之交涉豈得借聯軍之勢併入要挾致牽涉百四十二人之多教案專約未議而官常士氣先摧似非所以保主權而昭公道即請各國公評似亦不能無真是非也務祈極力磋磨以資補救大局幸甚

二十一日 駐蹕西安府城

奕劻李鴻章電信 頃日使來言東三省俄迫公議謂所訂條款本係暫時章程並聞得歐洲各公使接俄政府來電俄有東三省同時撤兵之語等因特電達慶李號

李盛鐸致
樞垣日外
部言俄使
云俄約作
罷東省事
仍舊電二
件

二十二日 駐蹕西安府城

李盛鐸電信 頃外部加藤言本日俄使來說俄本擬撤東三省兵因立約一節中國頗多窒礙俄不便令中國爲難現將此約作爲罷論東三省事仍照以前辦理業已通知各國云云鐸詢何謂以前加藤答卽指未議約以前並稱此事輾轉已久今俄允撤約平和了結甚爲幸事近民間謠傳俄日將開戰殊不足信等語屬電陳盛鐸

李盛鐸電信 加藤又言聞璞科第告李相東約不畫俄將增索首禍重索償款殊不知約歸公議俄何能獨操其權各國又豈聽俄慫恿俄旣毀約目前雖暫安靜以後若用他術誘請不可不防日本此次竭力幫助當蒙中國見信俄若再有誘逼情事可否隨時密示彼此商妥再

劉坤一致
樞垣日領
言俄告各
國無逼令
簽押意仍
防術誘電

行答覆免墮術中或商英亦可均請斟酌辦理等語並屬電陳加又言
俄頃通知各國語略相同惟告德則謂誘逼中國訂約現有別國從中
阻撓以後不必用此法云云盛鐸號

劉坤一電信 日總領事電奉駐京小村大臣電探悉俄國明告歐洲
某國俄爲交還侵地起見與中國議約事與中國有益乃某國看爲有
礙俄國亦無逼令速簽定之意等語本大臣料此時俄已向日本並別
國告之足見俄國並無決裂之意仍望南洋電達行在爲禱等因奉此
密達卽乞照行爲望云此即俄使告美外部語意謹奉達坤箇
慶親王奕劻等奏京城地面漸復擬裁兵節餉辦理善後事宜摺
旨電宋慶馬玉崑號電悉著卽酌量分起拔隊移紮河北一帶

劉坤一
致中國
樞垣
所需
軍火
已由
呂羅
德使
商英
兩使
購電
德准

二十二日 駐蹕西安府城

劉坤一電信 前因俄有諭格使公約加勁與中爲難之語曾電羅使商英已詳嘯電嗣李使電公約禁軍火聞各國多主五年日倡約二三國主兩年囑商英德法當以中需軍火多向德購料物多向英購禁限久緝匪無具亦與英德商務窒礙電羅使並轉裕呂照商茲羅使箇電遵致瀾云所言當留意相機辦理惟英暫不宜向俄公論北京公約不致墮其狡謀禁軍火英云兩年已電薩使和商各使辦理云謹電聞坤一養

旨電奕劻李鴻章楊儒因病請假擬調呂海寰前往即向俄使問明允否接待卽行電覆

奕劻李鴻章電信 效電諭旨俞廉三教案全結應免置議當即派員往商法使彼謂前辦聯銜照會衡案尙未結今得漢口領事電知已妥結俞撫自可免議至前江西巡撫松壽原註云遵奉朝旨引火燎原所派委員以招兵爲詞聚衆焚掠教堂罪應革職永不敘用其稱所派委員招兵聚黨焚掠教堂想係確有所指容再查確係何國使臣主意相機疏解未知能革留了事否請代奏奕劻李鴻章養

二十四日 駐蹕西安府城

奉旨奕劻李鴻章養電悉法使照稱議賠款立碑碣等事即派張翼周馥妥爲辦理惟善後傳教章程最關緊要必須詳細妥議秉公持平民教不致相仇方能彼此兩益並著該王大臣督飭張翼周馥悉心酌覈

詳定章程切商法使並商請各國公議務臻妥協以期民教相安永弭後患爲要

劉坤一
致俄
國索償
款
可告各
邦相助
電

劉坤一電信 日總領電頃奉外部大臣電各國索辦大員並索償款一事無論俄廷如何吩咐駐華俄使辦理中國無須過慮此事本歸駐燕各使領公議任憑一國私自要求斷無邀各國公允之理倘俄國專行知會辦理中國儘可即告友邦必欣然相助飭轉達亮照等因乞即查照云前因俄有公約與中爲難語曾電該領達外部故有此電坤漾二十五日 駐蹕西安府城

奕劻李鴻章電信 效電諭旨飭商松壽俞廉三處分俞廉三已商准免議於養電奏明松壽原註情節稍重竊慮各國不肯鬆口亦不得不

相機疏解因探法使畢盛人尙爽直江西教案法國亦多遣員與之詳晰開導彼謂江省究未殺害教士情有可原允出知單與各使商論頃據函覆均經畫諾允從輕辦似革職留任可以了事堪紓宸廑原摺單係十八日由驛六百里拜發計月底可到務乞酌定明降諭旨將俞撫扣除松撫改輕劉撫榮藩照前電酌辦其餘按照註語可允者卽行照允以免駁回饒舌致礙和局現議賠款數尙未定俟議定可陸續撤兵兵早撤一日費即省一日賠兵費百萬月計三千萬我欲其速彼則願拖愈遲愈不合算請代奏奕劻李鴻章敬

奕劻李鴻章電信 前因楊使病亟已商俄使電請外部若派呂海寰調充俄使能否接待格謂覆電云楊使雖病交涉事可請參贊代辦云

旨寄奕劻李鴻章敬電悉俟奏到酌辦惟塔拉特王究屬藩部所註情罪尙須查辦再予處分更未便監禁應先與說明仍議他款早定和局不可因查辦耽延償款日增前迭次電諭催定公約原期早日完結以免兵費有加無已也直隸境內洋兵四出搜索爲數甚鉅保定德兵官曾有此款將來可歸入賠款內抵算之說正可就其言商辦一面飭查各州縣將洋兵索款逐一詳細開呈以資抵補即各省卹款恐亦不少均應力與磋磨稍紓財力該王大臣休戚相關總當不憚煩難極力商辦爲要楊儒准暫免更換

二十六日 駐蹕西安府城

奕劻李鴻章電信 法使以劉光才一軍駐井陘東過於相逼必欲劉

奕劻等致
樞垣開德

法合兵非
徒擾晉恐
奉勅保定
電

軍先退方肯撤兵否則德法合兵進攻等語二十五日德瓦帥擬添兵
由獲鹿進攻經法使勸阻頃又據美使來告瓦帥擬二十九日回京添
派兵千餘會合保定德兵前進初一派大隊繼進德法合兵非徒晉省
遭災更恐牽動保定務請速飭劉軍退紮山西境內如我退彼進尙可
詰責否則實難阻止請代奏

二十七日 駐蹕西安府城

二十八日 駐蹕西安府城

軍機處致奕劻電信 沁電已進呈來電既稱劉光才軍駐井陘相逼
飭令退紮晉境方肯撤兵後又謂磋磨俞松兩撫之事彼不耐煩德帥
遂欲添兵與法軍合兵西進事關大員冤抑豈能不與辯駁即擬辦一

百四十餘員之多至輕均永不敘用亦不能不分別商減均與劉光才軍毫不相涉何致因此進兵且獲鹿係駐法兵瓦帥欲添兵法且勸阻又何以合兵進攻上意以電語頗多閃爍矛盾欲加駁詰因恐難於轉圜當經婉陳其中恐有別故或因議賠款德欲索現銀與英日美之意不合藉此挾制希一面密探電覆一面確商合肥設法因應勿致又生枝節爲要

二十九日 駐蹕西安府城

奕劻李鴻章電奏 上月二十八日儀鸞殿火後殿及東西配殿均被焚德瓦帥跳而免燒死德提督一名

西巡大事記卷六終